



兩漢五經
博本強




知
強
高
申
印
足
系



門人張月霄好古勤述所輯續經解金文最外有雜著十餘種如兩漢五經博士攷詳討秦火後尊經立學之緣始尤有功經學身後遺書湮晦去冬偶舉是書詢其孤英如英如泣然曰五經博士攷先人早經繕寫繼以事故未雕耳余屬其勉竟先志會月霄從兄吟樵聞之慨然力任剞劂并商諸小阮煦涵共襄厥費遂克付梓英如請余識其德以示毋忘余旣幸是書之得流布藝林又重嘉吟樵煦涵兩君之篤本支而敦古誼也遂敘其緣起如此

道光乙未春正月上元日拙經叟黃廷鑑書

五經博士考序



張君月霄博學嗜古於書無所不窺而又能精思貫弗不爲前人所域一字之疑必旁引曲證以求歸於是所著兩漢五經博士考三卷首卷載置立博士之始博士所領之事前後辟舉之法增益之數以及歷代詔疏總其綱也次卷載說經諸家立學之始著其傳也未卷載建元以前博士次之以五經博士終之以諸侯博士詳其人也其采摭也辯其考證也督其多聞而闕疑也慎陳子準謂其足補朱氏立學一門之闕非虛語也嘗謂自孝武置五經博士昌明經學朝廷大議羣臣得援經義以折衷是非如雋不疑引輒拒蒯瞶以斷衛太子之獄蕭望之引士句不伐喪以沮匈奴之伐若此類者散見各傳是其時猶以經義見諸實用非徒以虛文宥尙儒術也光武中興分博士十四員各習一經時功臣宿將如鄧馮朱賈輩咸能通習經義一時五經博士考

序

朝野嚮學鬱爲風俗所誦者先王所傳者聖法暨乎晚季猶復人識綱常族敦名節此又經術之著於實效者也後世法律繁興而經義遂爲虛設學者以經術自娛於政事風教無與也夫窮經以致用致用莫大乎教人取士是編匪直援引該洽實兩漢教人取士之法在焉今

天子右文典學海內握鉛懷槩家自爲說者駸駸乎有兩漢之風則將求所以振經學而淑人才其必於是乎有取已
道光六年歲在丙戌三月孫原湘拜序

六經之不亡也賴有漢儒也守之如城郭傳之如球圖確然奉一師之說不敢尺寸出入豈其人盡愚陋無開通之識哉一時君相爲之立學官置博士必集老師宿儒辨難折衷謹而後定豈遂無兼收廣採日新月盛之望哉其爲博士者稽同異辨然否國有疑事掌承問對馳傳巡省郡國錄冤獄行風俗舉廉孝豈朝廷衆臣舉不若抱殘守缺槁項黃馘之徒哉其務之也專故其植之也固其別之也嚴故其持之也定其求之也以實故其應之也不以文假令漢初之儒各以意說好異喜新以浮辭相尙則六經之文改竄盡矣經生之業敗裂盡矣豈復有咫聞寸義得存於今者哉今夫土鼓之爲雲門也椎輪之爲大輅也聖人爲之也席地之爲几案也鼎俎之爲盤盃也聖人復起亦無以易焉者也是卽人心之僥利習尙之刑巧轉移乎氣運而

五經博士考

序

三

不能自反者也而遂謂古聖之制作不逮後人可乎不可也學非四教人非十哲動輒詆漢儒以爲概未聞道其亦弗思爾矣且夫漢學之可考見於今者公羊氏而止矣毛公之詩節目不備其餘衆家或掇拾於煨燼之中章駁句脫大義了不可知今之所謂漢學者獨奉一康成氏焉耳而不知康成氏者漢學之大賊也西漢經師大抵各爲一說不能相通就其不相通而各適於道也此正聖人微言大義殊途同歸之所存也康成兼治衆家而必求通之於是望文穿鑿惟憑私臆以爲兩全徒成兩敗此正徐昉所謂輕侮道術者也孟喜改師法文帝擯之趙賓巧慧諸儒不佞使康成生西京之世其誰能容之惜哉漢學亡而所存者獨一不守家法之康成也月霄張君述兩漢諸經立學之始末博士設官置員之沿革及其人姓名之著見於載籍

者彙而錄之爲兩漢五經博士考非以示搜采之富而已當時致嚴致慎之意寢衰寢微之故蓋畧具於是焉嗟乎昔之時一人不能獨盡一經今之時以一人治六經而有餘昔之時立一家之學至各相齟齬不能相容今之時說經之書畧有可采列之四庫黃金白鑑治爲一鑪惟所取之窮簷委巷絃歌相聞莫不誦法孔子一命之壬迄於卿相無不以通經起家者其視漢初鬱滯堙絕求一方正博學之士若不可得者其於經術果何如哉此予三復月霄之書而不禁喟然興歎者也道光六年秋七月武進李兆洛序

五經博士考序

覆陳君子準論五經博士書

辱承誨墨開益良多感佩感佩中有與拙見互異處不敢強爲苟同謹就一得之愚質諸左右其言之質直恃惠子之知我也

後漢書翟酺傳孝文帝始置五經博士前據家藏北宋重刊景

祐本改作一經南宋嘉定戊辰蔡引浚儀之說以證之王伯厚

時五經列于學今讀手書并尋釋注意自合以五經爲是惟是

孝文置五經博士別無明文可證章懷注云不知何據蓋亦闕

疑之意竊意文帝時止名博士本無五經之稱翟酺云云蓋從

後追稱耳不必曲爲之說也又案劉歆移書太常博士曰至孝

文皇帝天下衆書往往頗出皆諸子傳說猶廣立于學官爲置

博士若然則孝文時止有傳記博士無五經博士也明甚呂氏

之說玉海一百二十三別呂祖謙曰孝文毋乃似是而非歟又

五經博士考書曰至孝武皇帝頗有詩禮春秋先師一人不能獨盡其經或爲

雅或爲頌相合而成夫孝武時尚一人不能獨盡其經而謂孝

文時已立學官是又必不然矣此則紬繹君說而悟及之者也

浚儀謂齊魯韓詩立于文景蓋以申公韓嬰爲文帝博士轅固

爲景帝博士故爲此說君以爲別無明文可證良是君又謂三

家詩武帝時立其說固確然亦無明證要之三家詩慶氏禮立

于何時俱無可攷闕之可也又案劉歆移書太常博士曰往者

博士書有歐陽春秋公羊易則施孟然孝宣皇帝猶復廣立穀

梁春秋梁丘易大小夏侯書若然則施孟兩家似非宣帝所

立然施讎孟喜俱事孝宣又斷非武帝所立意者施孟卽楊氏

施孟立而楊氏廢故西漢諸儒自太史公外無習楊氏易者從

武帝時言之則曰楊氏從宣帝以後言之則曰施孟子駿易則



施孟云云蓋亦從後追稱耳若施孟立于何年則班氏已不能確指矣

兩漢博士冠以某經與否雖無明文然自李封外公羊博士

嚴彭祖漢書儒林傳魯恭拜魯詩博士後漢書魯恭傳歐陽向書博士東觀

紀漢書儒林傳顏氏博士後漢書儒林傳中興有大小戴博士同上不皆足為博士

冠以某經之證歟見於史者章章若此謂之未見竊疑過矣

前以建元以前博士置篇首建元以後則標某經博士之目今

思某經之稱自前所稱外書闕有間即或師承可考而強為附

麗終嫌臆斷竊擬重為更定首之以博士僕射博士祭酒領綱

紀也次之以建元以前博士溯舊制也又次之以五經博士以

所習之經為次不標某經博士之目存疑也終之以諸侯博士

不敢與王官並列也如此庶不沒官制之實亦不失闕疑之意

五經博士考書俟繕寫畢續當就正

中平中徵荀爽等十四人十四博士斷無一時並闕之理蓋漢

官儀所謂待詔博士耳博士十四員適徵十四人則各習一經

各當一闕可知又可為博士有某經之證

蘇竟以明易為博士講書祭酒蓋王莽之六經祭酒耳讀章懷

注自見非博士祭酒也平帝世有博士僕射無博士祭酒也

鮭陽鴻今本元和姓纂作少府案廣韻十二齊鮭字下注云漢

有博士鮭陽鴻似辨證所引為是

兩漢之制立于學官者置博士未立學官者西漢曰議郎亦口

待詔儒林傳所謂穀梁議郎尹更始待詔劉向周慶丁姓是也

東漢曰講郎儒林傳所謂擢高第為講郎是也若未立學官而置博士史無可據未敢以為是也

徵江公孫爲博士蓋以他經博士兼授穀梁耳非真爲穀梁博士也且穀梁立學江博士已死史有明文前列江公孫于穀梁博士中誤辱蒙指示幸甚

古文尙書慶氏禮東漢未立學官而周防楊倫以明習古文徵補博士曹充等三人以習慶氏禮爲博士蓋以他經博士兼授古文尙書慶氏禮耳又案經典釋文曰後漢三禮皆立博士三禮者大小戴及慶氏也若然則慶氏禮者豈亦嘗立于學官如左氏之旋立旋廢而史失載耶敢以質博學者

有明著述除地志家乘本不足據外如萬姓通譜採摭廣博謬誤附會均所不免所載良燮比人交鮭湛雲諸人未審究係何本不敢據以採入所惜者未得名賢氏族言行類彙一讀耳

學問一道不廢詰難古人意見不合往往反覆辨論非逞辭也

五經博士考

書

三

求歸于是而已惟君直諫多聞幸不置金吾于不屑教誨之列故敢直陳拙見尙希一一教正則拜賜無旣矣

附錄原書

尋繹尊著淹雅貫串足補竹垞立學一門之闕不採明以後書尤爲卓識敬服兩窗檢兩漢書就鄙見所及略疏一二于後諒通懷不以爲忤也

後漢書翟酺傳孝文帝始置五經博士尊者據王伯厚說改作一經揆檢家藏臨何氏義門按宋本亦作五玩章懷注似五字較長惠氏補注引義門說似亦以五字爲是舊本作一經蓋傳寫之誤伯厚從而爲之說未敢以爲是也

漢書儒林傳贊武帝立五經博士書唯有歐陽禮后易楊春秋公羊而已尊者引王伯厚曰立五經而獨舉其四蓋詩已立於

文帝今并詩爲五耳揆案立五經而舉其四者此四經至孝宣時皆有增置耳唯有云者言僅有一家若詩則齊魯韓三家武帝已並立學孝宣時亦無增置故不舉非謂文帝已立也

尊著據王伯厚說謂魯詩韓詩文帝時立齊詩景帝時立別無明文可證

尊著據王伯厚說謂建元以前止名博士建元以後始有某經博士之名揆案建元以後博士之見於史者至多從未見有某經博士之稱竊意兩漢之官但名博士耳其所掌教則以各家別之以李封爲左氏博士此便文耳若敘封之官銜不過云拜博士又案博士雖有定員其人數似亦不拘如中平五年徵荀爽等十四人未必十四博士一時頓缺而此十四人者又適習此經各當此缺也不過汲引名士以文學之秩待之耳又可知

五經博士考

書

四

兩漢博士本無某經之稱

蘇竟以明易爲博士講書祭酒此所謂博士祭酒也宜另立標題置篇首

鮭陽鴻今本元和姓纂作少府與辨證所引異未知孰是

尊著以江公孫列穀梁博士首揆案王伯厚云宣帝以江公之孫爲博士授穀梁未名穀梁博士也至甘露三年始置穀梁博士據此則穀梁立學江博士已死未可列之穀梁博士中又案江博士時穀梁雖未立學其所習則穀梁也蓋兩漢之制立于學官則置一博士以領之穀梁未立學則雖置博士不以教弟子課試著之令甲也若周防楊倫以明習古文尙書徵補博士曹充等二人以習慶氏禮爲博士俱同此例

同里陳君子準名揆諸生好學嗜古家藏書籍手自讎勘丹

兩漢五經博士考卷一

昭文張金吾

博士祭酒一人秩六百石本僕射漢書百官公卿表曰僕射秦

孟康曰皆有僕射隨所領之事以為號也中興轉為祭酒續漢書百官志

書曰博士有僕射光武改曰祭酒北堂書鈔六

奉常秦官景帝中六年博士屬焉續漢書百官志

六百石續漢志日本四員多至數十人唐大典二十一引漢書

人為待詔博士武帝建元五年初置五經博士宣帝黃龍元年稍增員

十二人漢書百官公卿表平帝元始四年益博士員經各五人漢書王

平帝元始四年改博士為博士師通典二

孝文帝始置五經北宋本作一經何氏校宋本毛本俱作五經

五經博士考卷一

則斷為博士後漢書翟酺傳章懷注曰武帝建元五年始置

一字也博士五經博士文帝時未遑庠序之事酺之此言不知

何據惠氏補注曰何氏云劉歆移書太常博士云漢興至孝文

皇帝天下衆書往往頗出廣立學官為置博士子起之言即以

子駿為據可也金吾案何氏于天下衆書往往頗出其然孝文

去皆諸子傳說五字指為孝文置五經博士之據豈其然

皇帝時博士七十餘人朝服元端章甫冠藝文類聚四十一

武帝立五經博士書唯有歐陽禮后易楊春秋公羊而已至孝

宣世復立大小夏侯書大小戴禮施孟梁丘易穀梁春秋至

元帝世復立京氏易平帝時又立左氏春秋毛詩逸禮古文尚

書漢書儒林傳贊光武中興恢宏稽古易有施孟梁丘賀京房書有歐陽和伯夏

侯勝建詩有申公轅固韓嬰春秋有嚴彭祖顏安樂禮有戴德
戴聖凡十四博士太常差選有聰明咸重者一人為祭酒總領
綱紀後漢書徐防傳

博士掌通古今漢書百官公卿表辨然否藝文類聚四十六引漢官儀以五經教子

弟通典二稽合同異講語五始北堂書鈔六十國有疑事掌承

問對續漢書百官志錄冤獄行風俗漢書孔建節馳傳巡省郡國舉孝廉勸元元

漢設四科之辟第二科曰學通行修經中博士太平御覽二百三引漢舊儀

博士取學通行修博識多藝曉古文爾雅能屬文章者為高第

通典二十七日舊朝賀位次中郎藝文類聚四十六引李郃別時從議郎為博士

長下郃奏以為非所以敬儒德明國體也官吏稱先生不得言

君其弟子稱門人藝文類聚四十六引漢舊儀

博士選有三科高第為尚書次為刺史其不通政事以久次補

諸侯太傅漢書孔昭帝時選博士通政事者補郡國守相

傳漢書光傳之中興高第為侍中小郡若都尉通典二十七漢博士之職

五經博士考卷一唯舉明經之士選轉各以本資初無定班

博士限年五十以上玉海百廿二引漢舊儀後漢書楊仁傳

博士舉狀曰生事愛敬喪沒如禮通易尚書通典十三載督郡

禮春秋孝經論語兼綜載籍窮微闡奧通典十三窮微闡奧下有詩

四十字隱居樂道不求聞達身無金瘡痼疾世六屬金吾家

上二十句俱引不與妖惡交通王侯賞賜行應四科經任博士

作三十六屬下言某官某甲保舉後漢書朱浮傳

成帝陽朔二年詔曰古之立太學將以傳先王之業流化於天

下也儒林之官四海淵原宜皆明於古今溫故知新通達國體

故謂之博士否則學者無述焉為下所輕非所以尊道德也工

欲善其事必先利其器丞相御史其與中二千石二千石雜舉

可充博士位者使卓然可觀漢書成

章帝建初四年詔曰蓋三代得人教學爲本漢承暴秦褒顯儒術建立五經爲置博士其後學者精進雖曰承師亦別名家孝宣皇帝以爲去聖久遠學不厭博故遂立大小夏侯書後又立京氏易至建武中復置顏氏嚴氏春秋大小戴禮博士此皆所以扶進微學尊廣道藝也中元元年詔書五經章句煩多議欲減省至永平元年長水校尉儵熒儵熒奏言先帝大業當以時施行欲使諸儒共正經義頗令學者得以自助孔子曰學之不講是吾憂也又曰博學而篤志切問而近思仁在其中矣於戲其勉之哉

後漢書
章帝紀

建初八年詔曰五經剖判去聖彌遠章句遺辭乖疑難正恐先師微言將遂廢絕非所以重稽古求道真也其令羣儒選高才生受學左氏穀梁春秋古文尙書毛詩以扶微學廣異義焉

後漢

五經博士考卷一

書章
帝紀

三

建武七年太僕朱浮以國學旣興宜廣博士之選乃上書曰夫太學者禮義之宮教化所由興也陛下尊敬先聖垂意古典宮室未飾干戈未休而先建太學造立橫舍比日車駕親臨觀饗將以宏時雍之化顯勲進之功也尋博士之官爲天下宗師使孔聖之言傳而不絕舊事策試博士必廣求詳選爰自畿夏延及四方是以博舉明經唯賢是登學者精勵遠近同慕伏聞詔書更試五人唯取見在洛陽城者臣恐自今以往將有所夫求之密邇容或未盡而四方之學無所勸樂凡策試之本貴得其真非有期會不及遠方也又諸所徵試皆私自發遣非有傷費煩擾於事也語曰中國失禮求之於野臣浮幸得與講圖識故敢越職帝然之

後漢書
朱浮傳

永平十四年司空徐防上疏曰臣聞詩書禮樂定自孔子發明章句始于子夏其後諸家分析各有異說漢承亂秦經典廢絕本文略存或無章句收拾缺遺建立明經博徵儒術開置太學孔聖既遠微旨將絕故立博士十有四家設甲乙之科以勉勸學者所以示人好惡改敝就善者也伏見太學試博士弟子皆以意說不修家法私相容隱開生姦路每有策試輒興諍訟論議紛錯互相是非孔子稱述而不作又曰吾猶及史之闕文疾史有所不知而不肯闕也今不倚章句妄生穿鑿以遵師爲非義意說爲得理輕侮道術寢以成俗誠非詔書實選本意改薄從忠三代常道專精務本儒學所先臣以爲博士及甲乙策試宜從其家章句開五十難以試之論衡明雱曰漢立博士之官師弟子相可難欲極道之深形是非之理也不出橫難不得從說不發苦語不聞甘對導才低仰欲求裨也砥不劇厲欲求銘也解釋多者爲五經博士考

卷一

上第引文明者爲高說若不依先師義有相伐皆正以爲非五

經各取上第六人論語不宜射策雖所失或久差可矯革詔書

下公卿皆從防言後漢書徐防傳東觀漢紀曰徐防上疏曰

者務本有所一心專精師門思核經意事得其實道得其真此宏廣經術尊重聖業有益于化雖從來久六經衰微學問寢淺誠宜反本

改矯其失

鄧太后臨朝儒學陵替尙書郎樊準上疏曰臣聞賈誼有言人

君不可以不學故雖大舜聖德孳孳爲善成王賢主崇明師傅

及光武皇帝受命中興羣雄崩擾旌旗亂野東西誅戰不遑啟

處然猶投戈講藝息馬論道至孝明皇帝兼天地之姿用日月

之明庶政萬機無不簡心而垂情古典游意經藝每饗射禮畢

正坐自講諸儒並聽四方欣欣雖闕里之化夔相之事誠不足

言又多徵名儒以充禮官如沛國趙孝琅邪承宮等或安車結

駟告歸鄉里或豐衣博帶從見宗廟其餘以經術見優者布在
廊廟故朝多儒皤之良華首之老每讌會則論難衍衍共求政
化詳覽羣言響如振玉朝者進而思政罷者退而備問小大隨
化雍雍可嘉羽林期門介冑之士悉道孝經博士議郎一人開
門徒衆百數化自聖躬流及蠻荒匈奴遣伊秩訾王大車且渠
來入就學八方肅清上下無事是以議者每稱盛時咸言永平
今學者益少遠方尤甚博士倚席不講儒者競論浮麗忘譽譽
之忠習譏諷之辭文吏則去法律而學詆欺銳錐刀之鋒斷刑
辟之重德陋俗薄以致奇刻昔孝文實后性好黃老而清靜之
化流景武之間臣愚以爲宜下明詔博求幽隱發揚巖穴寵進
儒雅有如孝宮者徵詣公車以俟聖上講習之期公卿各舉明
經及舊儒子孫進其爵位使續其業復召郡國書佐使讀律令

五經博士考

卷一

五

如此則延頸者日有所見傾耳者月有所聞伏願陛下推述先

帝進業之道太后深納其言

後漢書
樊準傳

順帝卽位將作大匠翟酺上言孝文皇帝始置五經博士武帝

大合天下之書而孝宣論六經於石渠學者滋盛弟子萬數光

武初興愍其荒廢起太學博士舍內外講堂諸生橫卷爲海內

所集明帝時辟雍始成欲毀太學太尉趙熹以爲太學辟雍皆

宜兼存故並傳至今而頤者頹廢至爲園採芻牧之處宜更修

繕誘進後學帝從之

後漢書
翟酺傳

武帝元朔五年丞相宏請爲博士置弟子員學者益廣

漢書武
帝紀

通典五十三引晉摯虞決疑云漢初置博士而

無弟子後置弟子五十人與博士習辨禮儀

昭帝時增博士

弟子員滿百人宣帝末增倍之元帝好儒能通一經者皆復數
年以用度不足更爲設員千人郡國置五經百石卒史成帝末

增弟子員三千人歲餘復如故平帝時增元士之子得受業如弟子勿以爲員歲課甲科四十人爲郎中乙科二十人爲太子舍人丙科四十人補文學掌故云

漢書儒林傳

順帝陽嘉元年試明經下第者補弟子增甲乙科員各十人

後漢

書順帝紀

質帝本初元年令郡國舉明經年五十以上七十以下詣太學自大將軍至六百石皆遣子受業歲滿課試以高第五人補郎中次五人太子舍人又千石六百石四府掾屬三署郎四姓小侯先能通經者各令隨家法其高第者上名牒當以此賞進

後漢

書質帝紀

公孫宏爲學官悼道之鬱滯乃請曰丞相御史言制曰蓋聞導民以禮風之以樂婚姻者居室之大倫也今禮廢樂崩朕甚愍

五經博士考

卷一

六

焉故詳延天下方正博聞之士咸登諸朝其令禮官勸學講議洽聞興禮以爲天下先太常議與博士弟子崇鄉里之化以廣賢材焉謹與太常臧博士平等議曰聞三代之道鄉里有教夏曰校殷曰序周曰庠其勸善也顯諸朝廷其懲惡也加之刑罰故教化之行也建首善自京師始由內及外今陛下昭至德開大明配天地本人倫勸學修禮崇化厲賢以風四方太平之原也古者政教未洽不備其禮請因舊官而興焉爲博士官置弟子五十人復其身太常擇民年十八以上儀狀端正者補博士弟子郡國縣道邑有好文學敬長上肅政教順鄉里出入不悖所聞者令相長丞上屬所二千石二千石謹察可者當與計偕詣太常得受業如弟子一歲皆輒試能通一藝以上補文學掌故缺其高第可以爲郎中者太常籍奏卽有秀才異等輒以名

聞其不事學若下材及不能通一藝輒罷之而請諸不稱者罰
臣謹按詔書律令下者明天人分際通古今之義文章爾雅訓
辭深厚恩施甚美小吏淺聞不能究宣無以明布諭下治禮次
治掌故以文章禮義爲官遷留滯請選擇其秩比二百石以上
及吏百石通一藝以上補左右內史大行卒史比百石以下補
郡太守卒史皆各二人邊郡一人先用誦多者若不足乃擇掌
故補中二千石屬文學掌故補郡屬備員請著功令他如律令
制曰可史記儒林傳

廷尉張湯請博士弟子治尚書春秋補廷尉史亭李奇曰亭平也疑法

吏記酷吏傳

建安中侍中鮑衡奏按王制立太學小學自王太子以下皆教

以詩書而升之司馬謂之賢者任之以官故能致刑措之盛立

五經博士考

卷一

七

太平之化也今學博士並設表章而無所教授兵戎未戢人並
在官而學者少可聽公卿二千石六百石子弟在家及將校子
弟見爲郎舍人皆可聽詣博士受業其高才秀達學通一藝太
常爲作品式從之通典五十三

兩漢五經博士考卷一

兩漢五經博士考卷二

易楊氏

漢書儒林傳贊曰武帝立五經博士易楊氏史記儒林傳曰魯商瞿受易孔子孔子卒商瞿傳易六世至齊人田何字子莊而漢興田何傳東武人王同子仲子仲傳菑川人楊何

易施氏

孟氏

梁丘氏

漢書儒林傳贊曰孝宣世立施孟梁丘易後漢書儒林傳曰光武立五經博士易施孟梁丘漢書儒林傳曰丁寬梁人從田何受易寬授同郡碭田王孫王孫授施雠孟喜梁丘賀繇是易有施孟梁丘之學

五經博士考卷二

易京氏

漢書儒林傳贊曰元帝世立京氏易後漢書儒林傳曰光武立五經博士易京氏漢書儒林傳曰京房受易梁人焦延壽延壽云嘗從孟喜問易會喜死房曰為延壽易即孟氏學翟牧曰生皆曰非也至成帝時劉向校書考易說曰為諸易家說皆祖田何唯京氏為異黨焦延壽獨得隱士之說託之孟氏不相與同房以明災異得幸繇是易有京氏之學

尚書歐陽氏

漢書儒林傳贊曰武帝立五經博士書唯有歐陽後漢書儒林傳曰光武立五經博士尚書歐陽漢書儒林傳曰秦時禁書伏生壁藏之漢定伏生求其書亡數十篇獨得二十九篇即曰教子齊魯之間學者繇此頗能言尚書伏生教濟南張生及

歐陽生歐陽生授兒寬歐陽大小夏侯氏學皆出于寬寬授歐陽生子世世相傳繇是尙書世有歐陽氏學

尙書大夏侯氏

小夏侯氏

漢書宣帝紀曰甘露三年立大小夏侯尙書博士 後漢書儒林傳曰光武立五經博士尙書大小夏侯 漢書儒林傳曰夏侯都尉從濟南張生受尙書傳族子始昌始昌傳勝勝又事同郡簡卿簡卿者兒寬門人勝傳從兄子建建又事歐陽高繇是尙書有大小夏侯之學

古文尙書

漢書儒林傳贊曰平帝時立古文尙書 經典釋文曰古文尙書者孔惠之所藏也魯恭王壞孔子舊宅于壁中得之皆科斗五經博士考卷二 文字博士孔安國呂校伏生所誦爲隸古寫之增多伏生二十五篇又伏生誤合五篇凡五十九篇

魯詩

齊詩

韓詩

漢書藝文志曰漢興魯申公爲詩訓詁齊轅固燕韓生皆爲之傳三家皆立于學官

毛詩

漢書儒林傳贊曰平帝時立毛詩 隋書經籍志曰漢初有趙人毛萇善詩自云子夏所傳作詁訓傳是爲毛詩

禮后氏

漢書儒林傳贊曰武帝立五經博士禮后金吾案后倉事宣帝爲博士則后氏禮非

武帝所立可知經典釋文曰漢初立高堂生禮博士后倉傳高堂生禮者後人遂以高堂生禮爲后氏禮班氏云云蓋亦從後

追稱儒林傳曰孟卿東海人學蕭奮曰授后倉倉說禮數萬言號曰后氏曲臺記授梁戴德延君戴聖次君沛慶普孝公德

后倉爲之辭至今記之曰曲臺記

禮大戴氏

小戴氏

漢書儒林傳贊曰孝宣世立大小戴禮後漢書儒林傳曰光

武立五經博士禮大小戴又曰中興以後亦有大小戴博士

雖相傳不絕然未有顯于儒林者

禮慶氏

漢書藝文志曰戴德戴聖慶普三家立于學官

五經博士考

卷二

逸禮

漢書儒林傳贊曰平帝時立逸禮經典釋文曰漢興魯高堂

生傳士禮十七篇卽今之儀禮也景帝時河間獻王得古禮獻

之六藝論云河間獻王得孔氏壁中古文禮五十六篇瑕丘蕭奮曰禮至淮陽太守授東

海孟卿卿授同郡后蒼及魯閭丘卿其古禮經五十六篇蒼傳

十七篇所餘三十九篇吕付書館名爲逸禮

周官

漢書藝文志曰周官王莽時劉歆置博士

樂經

漢書王莽傳曰元始四年立樂經

春秋公羊

漢書儒林傳贊曰武帝立五經博士春秋公羊

公羊嚴氏

顏氏

後漢書儒林傳曰光武立五經博士公羊嚴顏論又曰嚴彭祖與顏安樂俱事睦孟孟弟子百餘人唯彭祖安樂爲明質問疑誼各持所見孟曰春秋之意在二子矣孟死彭祖安樂各顯門教授繇是公羊春秋有嚴顏之學

春秋穀梁

漢書宣帝紀曰甘露三年立穀梁春秋博士儒林傳曰瑕丘江公受穀梁春秋及詩于魯申公武帝時丞相公孫宏爲公羊學于是上尊公羊家詔太子受公羊春秋太子旣通復私問穀梁而善之其後浸微唯魯榮廣王孫皓星公二人受焉廣盡能傳其詩春秋與公羊大師睦孟等論數困之故好學者復受穀

五經博士考

卷二

四

梁沛蔡千秋梁周慶丁姓皆從廣受千秋又事皓星公爲學最篤宣帝卽位聞衛太子好穀梁春秋呂問丞相韋賢長信少府夏侯勝及侍中樂陵侯史高皆魯人也言穀梁本魯學公羊氏迺齊學也宜與穀梁時千秋爲郎召見與公羊家並說土善穀梁說擢千秋爲諫大夫給事中後有過左遷平陵令復求能爲穀梁者莫及千秋上愍其學且絕迺巨千秋爲郎中戶將選郎十人從受汝南尹更始本自事千秋能說矣會千秋病死徵江公孫爲博士劉向呂故諫大夫通達待詔受穀梁欲令助之江博士復死迺徵周慶丁姓待詔保官使卒授十人自元康中始講至甘露元年積十餘歲皆明習迺召五經名儒太子太傅蕭望之等大議殿中平公羊穀梁同異各呂經處是非時公羊博士嚴彭祖侍郎申輓伊推宋顯穀梁議郎尹更始待詔劉向周

慶丁姓並論公羊家多不見從願請內侍郎許廣使者亦並內
穀梁家中郎王亥各五人議三一餘事望之等十一人各呂經
誼對多從穀梁繇是穀梁之學大盛

左氏

荀氏漢紀曰宣帝甘露三年立左氏傳博士

金吾按漢書宣帝
立左氏博士事宣帝

梁王易大小夏侯書穀梁春秋博士無立左氏博士事宣帝
善穀梁說廷臣若嚴彭祖禹則好公羊蔡千秋尹更始則好
穀梁未聞有日立左氏博士請者且劉歆移書太常博士陳元
上書訟左氏皆未言及宣帝時嘗立博士荀氏之說無他書可
證疑

傳曰建武中尚書令韓歆上疏欲爲左氏立博士范升與歆爭

之未決陳元上書訟左氏遂呂魏郡李封爲左氏博士後羣儒

蔽固者數廷爭之及封卒光武重違衆議因不復補漢書劉

歆傳曰歆校秘書見古文春秋左氏傳歆大好之時丞相史尹

五經博士考

卷二

五

咸呂能治左氏與歆共校經傳歆略從咸及丞相翟方進受質

問大義初左氏傳多古字古言學者傳訓故而已及歆治左氏

引傳文呂解經轉相發明由是章句義理備焉歆呂左丘明好

惡與聖人同親見夫子而公羊穀梁在七十子後傳聞之與親

見之其詳略不同及歆親近欲建立左氏春秋及毛詩逸禮古

文尙書皆列于學官哀帝令歆與五經博士講論其義諸博士

或不肯置對歆因移書太常博士責讓之曰昔唐虞旣衰而三

代迭興聖帝明王累起相襲其道甚著周室旣微而禮樂不正

道之難全也如此是故孔子憂道之不行歷國應聘自衛反魯

然後樂正雅頌迺得其所修易序書制作春秋呂紀帝王之道

及夫子沒而微言絕七十子終而大道乖重遭戰國棄籩豆之

禮理軍旅之陳孔氏之道抑而孫吳之術興陵夷至于暴秦燔

經書殺儒士設挾書之法行是古之罪道術繇是遂滅漢興去
聖帝明王遐遠仲尼之道又絕法度無所因襲時獨有一叔孫
通略定禮儀天下唯有易卜未有他書至孝惠之世迺除挾書
之律然公卿大臣絳灌之屬咸介冑武夫莫呂爲意至孝文皇
帝始使掌故朝錯從伏生受尙書尙書初出于屋壁朽折散絕
今其書見在時師傳讀而已詩始萌芽天下衆書往往頗出皆
諸子傳說猶廣立于學官爲置博士在漢朝之儒唯賈生而已
至孝武皇帝然後鄒魯梁趙頗有詩禮春秋先師皆起于建元
之間當此之時一人不能獨盡其經或爲雅或爲頌相合而成
泰誓後得博士集而讀之故詔書稱曰禮壞樂崩書缺簡脫朕
甚閔焉時漢興已七八十年離于全經固已遠矣及魯恭王壞
孔子宅欲曰爲宮而得古文于壞壁之中逸禮有三十九書十
五經博士考

卷二

六

六篇天漢之後孔安國獻之遭巫蠱倉卒之難未及施行及春
秋左氏丘明所修皆古文舊書多者二十餘通藏于秘府伏而
未發孝成皇帝閉學殘文缺稍離其真迺陳發秘藏校理舊文
得此三事曰考學官所傳經或脫簡傳或間編傳問民間則有
魯國柏公趙國貫公膠東庸生之遺學與此同抑而未施此迺
有識者之所閔惜士君子之所嗟痛也往者綴學之士不思廢
絕之闕苟因陋就寡分文析字煩言碎辭學者罷老且不能究
其一藝信口說而背傳記是末師而非往古至于國家將有大
事若立辟雍封禪巡狩之儀幽冥而莫知其原猶欲保殘守缺
挾恐見破之私意而無從善服義之公心或懷妒疾不攷情實
雷同相從隨聲是非抑此三學曰尙書爲備謂左氏爲不傳春
秋豈不哀哉今聖上慈通神明繼統揚業亦閔文學錯亂學士

若茲雖昭其情猶依違謙讓樂與士君子同之故下明詔試左氏可立不遣近臣奉指銜命將呂輔弱扶微與二三君子比意同力冀得廢遺今則不然深閉固距而不肯試猥呂不誦絕之欲呂杜塞餘道絕滅微學夫可與樂成難與慮始此迺眾庶之所爲耳非所望士君子也且此數家之事皆先帝所親論今上所攷視其古文舊書皆有徵驗外內相應豈苟而已哉夫禮失而求之于野古文不猶愈于野乎往者博士書有歐陽春秋公羊易則施孟然孝宣皇帝猶復廣立穀梁春秋梁丘易大小夏侯尚書義雖相反猶並置之何則與其過而廢之也寧過而立之傳曰文武之道未墜于地在人賢者志其大者不賢者志其小者今此數家之言所呂兼包大小之義豈可偏絕哉若必專已守殘黨同門妒道真違明詔失聖意呂陷于文吏之議甚爲

五經博士考

卷二

七

二三君子不取也其言甚切諸儒皆怨恨師丹爲大司望亦大怒奏欲改亂舊章非毀先帝所立上曰欲欲廣道術亦何呂爲非毀哉 後漢書陳元傳曰建武初議欲立左氏傳博士范升奏呂爲左氏淺末不宜立陳元迺上疏曰陛下撥亂反正文武並用深愍經藝謬雜真僞錯亂每臨朝日輒延羣臣講論聖道知丘明至賢親受孔子而公羊穀梁傳聞于後世故詔立左氏博士詔可否示不專已盡之臣下也今論者沈溺所習翫守舊文固執虛言傳受之辭呂非親見實是之道左氏孤學少與遂爲異家之所覆冒夫至音不合衆聽故伯牙絕絃至寶不同衆好故卞和泣血仲尼聖惠而不容于世況于竹帛遺文其爲雷同者所排固其宜也非陛下至明孰能察之臣元竊見博士范升等所議奏左氏春秋不可立及太史公違戾凡四十五事按

升等所言前後相違皆斷截小文媒瀆微辭巨年數小差掇爲巨謬遺脫纖微指爲大尤抉瑕擿釁掩其宏美所謂小辨破言小言破道者也升等又曰先帝不呂左氏爲經故不置博士後主所宜因襲臣愚呂爲若先帝所行而後主必行者則盤庚不當遷于殷周公不當營洛邑陛下不當都山東也往者孝武皇帝好公羊衛太子好穀梁有詔太子受公羊不得受穀梁孝宣皇帝在人間時聞衛太子好穀梁于是獨學之及卽位爲石渠論而穀梁氏興至今與公羊並存此先帝後帝各有所立不必其相因也孔子曰純儉吾從衆至于拜下則違之夫明者獨見不惑于朱紫聽者獨聞不謬于清濁故離朱不爲巧眩移日師曠不爲新聲易耳方今干戈少弭戎事略戢留思聖藝眷顧儒雅採孔子拜下之義卒淵聖獨見之旨分明白黑建立左氏解

五經博士考

卷二

八

釋先聖之積結洮汰學者之累惑使基業垂于萬世後進無復狐疑則天下幸甚臣元愚鄙嘗傳師言如得呂褐衣召見俯伏庭下誦孔氏之正道理上明之宿寃若辭不合經事不稽古退就重誅雖死之日生之年也書奏下其議范升復與元相辨難凡十餘上皇帝卒立左氏學

金吾按經典釋文曰和帝元興十一年鄭興父子奏上左氏迺立子學官春秋正義曰和帝元興十一年鄭興父子及歆創通大義奏上左氏始得立學遂行于世至章帝時賈逵上春秋大義四十條呂抵公羊穀梁二書所載皆誤錢竹汀先生潛研堂答問辨之甚悉附錄于後問左氏春秋漢平時嘗立學官光武初呂尙書令韓歆之請立左氏學選司隸從事李封爲博士諸儒論議謹詳會封病卒左氏復廢終東京之

世春秋博士祇有公羊嚴顏二家無左氏也陸德明釋文迺云和帝元興十一年鄭興父子奏上左氏迺立于學官春秋正義與釋文略同陸孔之說果何所據曰攷之漢史鄭衆曰章帝建初八年卒興之卒更在衆前不及和帝之世且元興改元止于一年初無十一年則釋文之誤審矣靈帝熹平中盧植上書請立左氏于學置博士可見元興以後左氏未嘗立學也金吾按隸釋外黃令高彪碑曰彪明于左氏桓帝時上立博士章洪迺曰建武中嘗以李封爲左氏博士羣儒數延爭迷廢其官高君復上章于威宗時蓋亦不行其言高彪請立博士更在盧子幹前此又元興日後左氏未嘗一證也至春秋正義其文益錯亂如云和帝元興十一年鄭興父子及歆創通天義奏上然則劉歆至和帝時尙存也又云至章帝時賈逵上春秋大義四十條然則章帝轉在和帝之後也此村夫知其不然者曾謂穎達大儒而有是語乎愚故曰傳寫錯亂非正義之本文也

五經博士考卷二

論語

孝經

孟子

爾雅

孟子題辭曰孝文皇帝論語孝經孟子爾雅皆置博士後罷傳記博士獨立五經漢書武帝紀贊曰孝武初立卓然罷黜百家表章六經

兩漢五經博士考卷二

兩漢五經博士考卷三

博士僕射

闕

博士祭酒

高承

唐書宰相世系表曰高承字文休國子祭酒

建元以前博士

叔孫通

史記叔孫通傳曰通薛人秦博士漢二年降漢拜為博士號

稷嗣君

隨何

元和姓纂二曰漢有博士隨何

五經博士考卷三

孔襄

史記孔子世家曰孔鮒為陳涉博士鮒弟子襄為孝惠皇帝

博士

申培

漢書儒林傳曰申培魯人從浮丘伯受詩 楚元王傳曰文

帝時申公為詩最精以為博士

韓嬰

史記儒林傳曰韓生漢書曰名嬰燕人孝文帝時為博士

賈誼

漢書賈誼傳曰誼雒陽人通諸家之書文帝召以為博士

鼂錯

漢書鼂錯傳曰錯潁川人孝文時天下亡治尚書者獨聞齊

有伏生故秦博士治尚書年九十餘老不可徵通詔太常使人受之太常遣錯受尚書伏生所還上書稱說詔以為博士

公孫臣漢書曰丁寬弟田何受易於田王孫田王孫為博士漢書張蒼傳曰魯人公孫臣上書言漢土德其符黃龍見當改正朔易服色後黃龍見成紀文帝召公孫臣以為博士

張生

史記儒林傳曰伏生教濟南張生為博士

歐陽生歐陽修集曰生名容

漢書儒林傳曰歐陽生字和伯千乘人學伏生 歐陽氏譜

圖序歐陽修外集二十一曰生為漢博士以經名家所謂歐陽尚書者

是也

歐陽修曰譜無生而有容又云容受尚書于伏生自容至歛八世疑漢所謂歐陽生者以其經師謂之生如伏生之

五經博士考卷三

類而其實名容容字和伯於義為通

轅固生

史記儒林傳曰轅固生齊人治詩孝景時為博士

胡毋生

漢書儒林傳曰胡毋生字子都齊人治公羊春秋為景帝博士

董仲舒

漢書董仲舒傳曰仲舒廣川人治春秋孝景時為博士

田王孫

漢書儒林傳曰丁寬從田何受易授田王孫田王孫為博士

高堂生

儀禮士冠禮疏引漢書曰魯人高堂生為博士傳儀禮十七

篇是今文也 史記儒林列傳索隱引謝承曰秦氏季代有魯人高堂伯 索隱曰伯是其字生者自漢以來儒者皆號生亦先生省字呼之耳

五經博士

施讐

漢書儒林傳曰施讐字長卿沛人從田王孫受易與孟喜梁
三賀並為門人賀為少府 案百官公卿表宣帝神爵三年梁三賀為少府 薦讐詔拜
讐為博士

張禹

漢書張禹傳曰禹字子文河內軹人從施讐受易甘露中試
為博士

邴丹

漢書儒林傳曰施讐授魯伯魯伯授琅邪邴丹 通志氏族

五經博士考

卷三

三

略曰漢有博士邴丹

彭宣

漢書彭宣傳曰宣字子佩淮陽陽夏人治易事張禹舉為博

士 右習施氏易

白光

翟牧

漢書儒林傳曰孟喜授同郡白光少子沛翟牧子兄皆為博

士

洼丹

後漢書儒林傳曰洼丹字子玉南陽育陽人世傳孟氏易學
義研深易家宗之稱為大儒建武初為博士

任安

後漢書儒林傳曰任安字定祖廣漢綿竹人受孟氏易除博士

鮭陽鴻

後漢書儒林傳曰中山鮭陽鴻字孟孫以孟氏易教授北

堂書鈔

四五十

引東觀記曰鮭陽鴻為世名儒

古今姓氏書

辨證

四引元和姓纂曰後漢有博士鮭陽鴻修孟氏易

右習孟氏

士孫張

漢書儒林傳曰梁丘賀傳子臨臨代

劉奉世曰代當作授

五鹿充宗君

孟為少府充宗授平陵士孫張仲方為博士

張興

後漢書儒林傳曰張興字君上潁川鄆陵人習梁丘易建武

五經博士考

卷三

中舉孝廉遷博士

梁恭

范升

後漢書范升傳曰升字辨卿代郡人習梁丘易建武二年拜

博士升上疏讓曰臣與博士梁恭山陽太守吕羌俱修梁丘

易願推博士以避恭羌帝不許

右習梁丘氏易

殷嘉

藝文志作段嘉

姚平

乘宏

漢書儒林傳曰京房授東海殷嘉河東姚平河南乘宏皆為

博士

戴憲

後漢書儒林傳曰戴憑字次仲汝南平輿人習京氏易年十六徵試博士

郎宗

後漢書郎顛傳曰顛父宗字仲綬學京氏易安帝以博士徵

之

樊英

後漢書方術傳曰樊英字季齊南陽魯陽人習京氏易安帝

初徵為博士

右習京氏易

白子友

朱雲

嚴望

嚴元

五經博士考卷三

漢書朱雲傳曰雲字游魯人從博士白子友受易元帝令五

鹿充宗與諸易家論雲連柱五鹿君繇是為博士雲授九江

嚴望及望兄子元字仲皆為博士

何武

漢書何武傳曰武字君公蜀郡郫縣人宣帝時詣博士受業

治易 鮑宣傳曰故大司空何武師丹故丞相孔光故左將

軍彭宣經皆更博士

師右曰更歷也

蘇竟

後漢書蘇竟傳曰竟字伯況扶風平陵人平帝世以明易為

博士

乘和

通志氏族略曰漢有乘和治易為博士

右七人師承無考未詳習誰氏易

孔延年

孔安國

史記孔子世家曰孔襄生忠忠生武武生延年及安國 漢書孔光傳曰安國延年皆以治尚書為武帝博士

夏侯勝

漢書夏侯勝傳曰勝字長公東平人從夏侯始昌受尚書後事蕭卿又從歐陽氏問為學精孰徵為博士

夏侯建

漢書夏侯勝傳曰勝從兄子建字長卿師事勝及歐陽高又從五經諸儒問與尚書相出入者顧門明經為博士

孔霸

漢書孔光傳曰孔延年生霸字次儒事太傅夏侯勝昭帝末

五經博士考

卷三

年為博士

歐陽高

漢書儒林傳曰兒寬授歐陽生子世世相傳至曾孫高子陽

為博士

歐陽地餘

漢書儒林傳曰歐陽高孫地餘長賓以太子中庶子授太子

後為博士論石渠

林尊

漢書儒林傳曰林尊字長賓濟南人事歐陽高為博士論石

渠

平當

漢書平當傳曰平當字子思以明經為博士 儒林傳曰林

尊授平陵平當

殷崇

漢書儒林傳曰林尊授梁陳翁生翁生授琅邪殷崇為博士

朱普

漢書儒林傳曰平當授九江朱普公文為博士

歐陽歛

後漢書儒林傳曰歐陽歛字正思自歐陽生至歛八世皆為

博士

歐陽氏譜圖序曰容生子曰巨字孝仁巨生子曰遠字叔
湖遠生子曰高字彥士高生子亡其名字曰仲仁仲仁生
子曰地餘地餘生子二子曰崇
曰政政字少翁生子曰歛

牟長

後漢書儒林傳曰牟長字君高樂安臨濟人習歐陽尚書建

五經博士考卷三

武二年拜博士

桓榮

後漢書桓榮傳曰榮字春卿沛郡龍亢人少事朱普習歐陽

尚書建武中歐陽博士闕拜博士

楊震

後漢書楊震傳曰震字伯起宏農華陰人少好學受歐陽尚

書於太常桓郁明經博覽無不窮究

類林

讀書敏求記云
北齊楊休之撰

曰楊震為太學博士

董扶

三國志劉焉傳注引益部耆舊傳曰董扶字茂安善歐陽尚

書兼通數經徵博士

右習歐
陽尚書

牟卿

漢書儒林傳曰周堪事大夏侯勝堪授牟卿爲博士

許商

漢書溝洫志曰博士許商治尙書善爲算 儒林傳曰周堪

授長安許商長伯

孔光

漢書孔光傳曰光字子夏霸少子經學尤明成帝初舉爲博

士 儒林傳曰霸傳子光亦事牟卿

吳章

焮欽

漢書儒林傳曰許商門人平陵吳章偉君齊焮欽幼卿皆爲

博士 右習大夏
侯尙書

張山拊

五經博士考 卷三

漢書儒林傳曰張山拊字長賓平陵人事小夏侯建爲博士

論石渠

鄭寬中

漢書儒林傳曰張山拊授鄭寬中少君以博士授太子

馮賓

漢書儒林傳曰張山拊授信都秦恭延君恭授魯馮賓爲博

士

王良

後漢書王良傳曰良字仲子東海蘭陵人習小夏侯書

太平御覽 四百五十七 引汝南先賢傳曰郭憲師事王仲子王莽

召仲子欲令爲兒講仲子欲往憲曰今君位爲博士如何輕

身賤道禮有來學無往教之義不宜輕道也

郭憲

後漢書方術傳曰郭憲字子橫汝南宋人少師事東海王仲子光武卽位拜博士右習小夏侯尚書

周防

後漢書儒林傳曰周防字偉公汝南汝陽人師事蓋豫受古文尚書經明太尉張禹薦補博士

楊倫

後漢書儒林傳曰楊倫字仲理陳留東昏人師事丁鴻習古文尚書元初中徵博士 楊震傳曰元初四年震遷太常先是博士選舉多不以實震薦舉明經名士陳留楊倫等顯傳學業諸儒稱之右習古文尚書

公孫晧

五經博士考

卷三

九

太平御覽二百九十九引謝承後漢書曰公孫晧拜博士國有疑事常使進見問其得失所陳皆據經依義補益國家深見省納
北堂書鈔一百一引謝承書曰晧字春光受尚書

寒朗

後漢書寒朗金吾拔袁氏後漢紀作卷朗傳曰朗字伯奇魯國薛人好經學博通書傳以尚書教授永初三年太尉張禹薦朗爲博士右二人未詳習譚氏尚書

大江公

漢書儒林傳曰申公卒取江公盡能傳之徒衆最盛魯許生免中徐公皆守學教授 又曰韋賢治詩事博士大江公晉灼曰大江公卽取江公以異下博士江公故稱大江公

江公

漢書儒林傳曰博士江公世爲魯詩宗 後漢書卓茂傳曰茂元帝時學于長安事博士江生

徐偃

史記儒林傳曰申公弟子徐偃爲膠西中尉 平準書曰遣

博士褚大徐偃等分曹循行郡國

韋賢

漢書韋賢傳曰賢字長孺魯國鄒人篤志于學兼通禮尚書以詩教授號鄒魯大儒徵爲博士授昭帝詩 儒林傳曰賢事博士大江公及許生

王式

漢書儒林傳曰王式字翁思東平新桃人事免中徐公及許生諸博士素聞式賢薦式詔除下爲博士

五經博士考

卷三

張長安

唐長寶

褚少孫

漢書儒林傳曰山陽張長安幼君東平唐長寶沛褚少孫皆事王式爲博士

薛廣德

漢書薛廣德傳曰廣德字長卿沛郡相人以魯詩教授爲博士論石渠 儒林傳曰廣德事王式

義倩

漢書韋元成傳曰韋賢門下生博士義倩

龔舍

漢書龔舍傳曰舍字君倩好學明經以龔勝薦徵爲博士

儒林傳曰薛廣德授龔舍

許晏

漢書儒林傳曰張生兄子游卿以詩授元帝其門人陳留許晏爲博士

魯恭

後漢書魯恭傳曰恭字仲康扶風平陵人習魯詩閉戶講誦和帝初拜魯詩博士

右師細君

後漢書儒林傳曰包咸受業長安師事博士右師細君習魯詩

高詡

後漢書儒林傳曰高詡字季回平原般人世傳魯詩光武卽五經博士考

卷三

位徵爲博士

魏應

後漢書儒林傳曰魏應字君伯任城人習魯詩永平初爲博士

許晃

後漢書獨行傳曰李業習魯詩師博士許晃

蔡朗

蔡中朗集瑯琊王傳蔡朗碑曰君諱朗字仲明以魯詩教授生徒雲集元和元年徵拜博士

右習魯詩

白奇

漢書蕭望之傳曰望之治齊詩事后蒼復事同學博士白奇

匡衡

漢書匡衡傳曰衡字稚圭東海承人經學絕倫上以爲郎中遷博士 儒林傳曰后蒼授匡衡

翼奉

漢書翼奉傳曰奉字少君東海下邳人治齊詩與匡衡同師以中郎爲博士

師丹

漢書師丹傳曰丹字仲公琅邪東武人治詩事匡衡元帝未爲博士

伏恭

後漢書儒林傳曰伏黯明齊詩改定章句作解說九篇無子以恭爲後恭字叔齊少傳黯學建武十三年太常試經第一

拜博士

右習齊詩

五經博士考

卷二

韓商

史記儒林傳曰韓生孫商爲今上博士

蔡義

史記建元以來侯者年表褚先生曰蔡義家在溫故師授韓詩爲博士 漢書蔡義傳曰詔求能爲韓詩者徵義待詔上召見義說詩甚悅之

食子公

漢書儒林傳曰趙子河內人事燕韓生授同郡蔡誼誼授同

郡食子公爲博士

金吾案通志氏族略引風俗通曰漢有博士食子通河內人未知卽食子公否

王吉

漢書王吉傳曰吉字子陽琅邪皋虞人兼通五經能爲騶氏

春秋以詩論語教授宣帝徵為博士 儒林傳曰蔡誼授王

吉

長孫順

漢書儒林傳曰王吉授淄川長孫順為博士

薛漢

後漢書儒林傳曰薛漢字公子淮陽人世習韓詩建武初為

博士

張匡

後漢書儒林傳曰山陽張匡字文道習韓詩博士徵

杜撫

後漢書儒林傳曰杜撫字叔和犍為武陽人受業于薛漢定

韓詩章句 太平御覽五百五十六 引會稽典錄曰趙曄詣博士

五經博士考

卷三

吉

杜撫受韓詩

澹臺恭

後漢書儒林傳曰薛漢弟子犍為杜撫會稽澹臺敬伯最知

名 通志氏族略引風俗通曰漢有博士澹臺恭 右項曰韓詩

貫長卿

漢書儒林傳曰毛公趙人治詩授同國貫長卿 通志氏族

略曰漢博士貫長卿 右習毛詩

戴聖

漢書儒林傳曰后倉授戴聖次君以博士論石渠 右習后氏禮

徐良

漢書儒林傳曰大戴授琅邪徐良旂卿為博士 右習大戴禮

曹充

後漢書曹褒傳曰褒父充持慶氏禮建武中為博士

曹褒

後漢書曹褒傳曰褒字叔通魯國薛人結髮傳充業博物識古為儒者宗徵拜博士

董鈞

後漢書儒林傳曰董鈞字文伯犍為資中人習慶氏禮永平

中為博士

右習慶氏禮

侍其生

史記正義引七錄曰古經出魯淹中博士侍其生得十七篇鄭元注今之儀禮是也

王孫骨

骨通志非滑

元和姓纂五引陳留耆舊傳漢議郎圖稱撰曰王孫骨治三禮為博

五經博士考

卷二

右二人未詳

褚大

漢書兒寬傳曰梁相褚大通五經為博士 史記儒林傳曰

董仲舒弟子蘭陵褚大

公孫宏

漢書公孫宏傳曰宏淄川薛人以賢良徵為博士 儒林傳

曰胡毋生治公羊春秋公孫宏受焉

眭宏

漢書眭宏傳曰宏字孟魯國菑人從嬴公受春秋 儒林傳

曰董仲舒弟子東平嬴公守學不失師法授魯眭孟 宋書

符瑞志曰博士眭孟

嚴彭祖

漢書儒林傳曰嚴彭祖字公子東海下邳人胡母生授魯眡孟彭祖與顏安樂俱事眡孟彭祖爲宣帝博士 又曰公羊博士嚴彭祖

疏廣

漢書疏廣傳曰廣字仲翁東海蘭陵人明春秋徵爲博士

儒林傳曰胡母生授東海孟卿疏廣事孟卿

貢禹

漢書貢禹傳曰禹字少翁琅邪人以明經徵爲博士 儒林

傳曰董仲舒弟子東平嬴公守學不失師法貢禹始事嬴公

成於眡孟

左咸

漢書韋元成傳曰博士左咸 儒林傳曰顏安樂授淮陽令

五經博士考

卷三

五

豐豐授琅邪左咸

右習公
羊春秋

丁恭

後漢書儒林傳曰丁恭字子然山陽東緡人習公羊嚴氏春

秋建武初爲博士

周澤

後漢書儒林傳曰周澤字穉都北海安丘人習公羊嚴氏春

秋建武末徵試博士

甄宇

後漢書儒林傳曰甄宇字長文北海安丘人習嚴氏春秋建

武中徵拜博士 儒林傳注引東觀記曰建武中每臘賜博

士一羊羊有大小肥瘠博士祭酒議欲殺羊分肉宇恥之先

自取其最瘦者由是不復有爭訟後召會問瘦羊博士所在

京師因以號之

右習公
羊嚴氏

張元

後漢書儒林傳曰張元字君夏河內河陽人少習顏氏春秋

兼通數法會顏氏博士闕元試策第一拜博士諸生言元

兼說嚴氏宣疑當
作冥氏不宜專為顏氏博士

李育

後漢書儒林傳曰李育字元春扶風漆人習公羊春秋建初

元年衛尉馬廖舉育方正為議郎後拜博士

羊弼

後漢書儒林傳曰何休與其師博士羊弼追述李育意以難

二傳右習公
羊顏氏

江公孫

五經博士考

卷二

六

漢書儒林傳曰瑕丘江公受穀梁春秋於魯申公傳子至孫
宣帝善穀梁說徵江公孫為博士

周慶

丁姓

漢書儒林傳曰江博士死周慶丁姓皆為博士

胡常

漢書儒林傳曰清河胡常少子以明穀梁春秋為博士 又

曰江博士授胡常

申章昌

漢書儒林傳曰丁姓授楚申章昌曼君為博士

翟方進

漢書翟方進傳曰方進字子威汝南上蔡人西至京師受春

秋積十餘年經學明習徒衆日廣諸儒稱之以射策甲科爲
即二三歲舉明經遷議郎是時宿儒有清河胡常與方進同
經方進候伺常大都授時師古曰都授謂總集諸生大講授也還門下諸生至
常所問大義疑難因記其說常知方進宗讓已其後居士大
夫之間未嘗不稱述方進河平中轉爲博士 儒林傳曰尹
更始傳子咸及翟方進右習穀梁春秋

金子嚴

後漢書鄭興傳注引東觀漢記曰鄭興從博士金子嚴爲左

氏春秋

金吾案光武立左氏博士李封卒後不復補則東漢左氏博士止封一人可知考鄭興嘗事劉歆從歆講正大義歆使撰左氏條例章句傳諸若然則興爲左氏春秋尙在西漢平帝時其時左氏初立學官金子嚴者或卽彼時之博士

五經博士考 卷三

李封

後漢書陳元傳曰建武初立左氏學太常選博士四人元爲

第一帝以元新忿爭迺用其次司隸從事李封 儒林傳曰

以魏郡李封爲左氏博士右習左氏春秋

承宮

後漢書承宮傳曰宮字少子琅邪姑幕人就徐子盛學春秋

經永平中拜博士

卻仲信

後漢書魏朗傳曰朗從博士卻仲信學春秋圖緯

虢廣

通志氏族略曰漢有虢廣爲春秋博士右三人未詳習誰氏春秋

安姓無考下同

慶
將行
史記三王世家曰博士臣慶博士臣慶博士臣慶

平
史記儒林傳曰謹與博士平等

中
漢書武帝紀曰元鼎二年遣博士中等分循行

賞
漢書元帝紀曰建昭四年遣諫大夫博士賞等二十一人循

行天下
嘉荀氏漢紀作孟嘉

五經博士考
漢書成帝紀曰河平四年遣光祿大夫博士嘉等十一人行

舉瀕河之郡
卷三

賜
漢書律歷志曰元封七年公孫卿壺遂等請改正朔詔御史大夫兒寬與博士賜等議

薛順
漢書郊祀志曰博士薛順

賢
漢書藝文志曰博士臣賢對一篇

狄山
漢書張湯傳曰博士狄山

霸
漢書霍光傳曰臣敞等謹與博士臣霸臣雋舍臣德臣虞舍
雋舍 德 虞舍 射 倉

臣射臣倉議

申咸

漢書薛宣傳曰博士申咸

夏侯常

漢書兩龔傳曰博士夏侯常

后倉

漢書儒林傳曰后倉事夏侯始昌始昌通五經倉亦通詩禮

為博士

駟勝

漢書元后傳曰博士駟勝

終軍

荀氏漢紀武帝紀曰終軍濟南人年十八選為博士

五經博士考

卷三

金吾案漢書終軍傳曰年十八選為博士弟子荀紀竟作博士疑誤

左丞

漢紀哀帝紀曰博士左丞等五十三人

蔡較

續漢書律歷志曰博士蔡較

黃廣

續漢書律歷志曰博士黃廣

張佚

後漢書桓榮傳曰博士張佚

蔡茂

後漢書蔡茂傳曰茂字子禮河內懷人哀平間以儒學顯徵

試博士

閔貢

後漢書周黃徐姜申屠傳序曰太原閔仲叔者世稱節士建武中以博士徵 後漢書五十一注引謝承書曰閔貢字仲叔

申屠蟠

荀爽

鄭元

韓融

陳紀

李楷

襄楷

後漢書申屠蟠傳曰蟠字子龍陳留外黃人隱居精學博貫

五經兼明圖緯中平五年蟠與爽元及潁川韓融融字元長陳紀

等十四人並博士徵 鄭元傳曰元字康成北海高密人師

事京兆第五元通京氏易公羊春秋又從東郡張恭祖受周

官禮記左氏春秋韓詩古文尚書西入關因涿郡盧植事扶

風馬融三年辭歸融謂門人曰吾道東矣 朱儁傳曰博士

鄭元 襄楷傳曰楷字公矩平原陽陰人好學博古善天文

五經博士考

卷三

三

陰陽之術中平中與荀爽鄭元俱以博士徵 袁氏後漢紀

靈帝紀曰中平五年詔曰頃選舉失所多非其人儒法雜揉

學道浸微處士荀爽陳紀鄭元韓融李楷耿道樂古志行高

潔清貧隱約為眾所歸其以爽等各補博士

趙暢

後漢書趙咨傳曰咨父暢為博士

趙咨

後漢書趙咨傳曰咨字文楚東郡燕人延熹元年大司農陳

豨舉咨至孝有詔仍遷博士

焦永

後漢書樂恢傳曰恢好經學事博士焦永

金吾案袁氏和帝紀作焦貺又章帝紀曰鄭宏事博士焦貺惠氏補注云永當為貺

趙博

後漢書楊終傳曰終坐事繫獄博士趙博等以終深曉春秋學多異聞表請之

李法

後漢書李法傳曰法字伯度漢中南鄭人博通羣書永元九年除博士

爰延

後漢書爰延傳曰延字季平陳留外黃人通經教授桓帝時徵博士

鍾皓

後漢書鍾皓傳曰皓字季明顯川長社人桓帝時徵為博士

延篤

五經博士考

卷三

五

後漢書延篤傳曰篤字叔堅南陽犇人博通經傳及百家之言桓帝時以博士徵

盧植

後漢書盧植傳曰植字子幹涿郡涿人少與鄭元俱事馬融能通古今學好研精而不守章句建寧中徵為博士

檀敷

後漢書檀敷傳曰敷字文有南陽瑕丘人桓帝時博士徵

良史

後漢書宦者傳曰元初四年帝以經傳之文多不正定乃選通儒謁者劉珍博士良史詣東觀各讐校漢家法

景鸞

後漢書儒林傳曰景鸞字漢伯廣漢梓潼人能理齊詩施氏

易兼受河洛圖緯 華陽國志梓潼人士讚曰景鸞明經術
博士徵

許慎

後漢書儒林傳曰許慎字叔重汝南召陵人少博學經籍時
人爲之語曰五經無雙許叔重 古今姓氏書辨證曰後漢
博士許慎

侯瑾

後漢書文苑傳曰侯瑾字子瑜敦煌人性篤學草思著述

藝文類聚

卷二十

引王隱晉書曰漢末博士燉煌侯瑾善內學

李充

魯平

後漢書獨行傳曰李充字大遜陳留人延平中詔公卿各舉

隱士大儒務取高行以勸後進特徵充爲博士時魯平亦爲

五經博士考

卷三

博士每與集會常嘆服焉

李頡

後漢書方術傳曰李郃父頡以儒學顯官至博士

郭鳳

後漢書方術傳曰博士勃海郭鳳好圖讖善說災異吉凶占

應 太平御覽五百五十一引謝承書曰郭鳳字君張

井丹

後漢書逸民傳曰井丹少受業太學通五經京師爲之語曰

五經紛綸井大春

太平御覽四百十

引嵇康高士傳曰井丹

字大春扶風人博士

韓康

後漢書逸民傳曰韓康字伯休京兆霸陵人博士徵

法真

後漢書逸民傳曰法真字高卿扶風郿人博通內外圖典為關西大儒抱朴子逸民曰法高卿博士徵三國志蜀法

正傳注引三輔決錄注曰真少明五經兼通讖緯學無常師

路仲翁

北堂書鈔六十引謝承後漢書曰路仲翁好學家居受學者

自遠方而至徵為博士

賀純

後漢書李固傳注引謝承書曰賀純字仲真會稽山陰人博

極羣藝徵博士建康實錄五曰其先慶普世傳禮學避安

帝諱為賀氏

魯充

五經博士考

卷三

北堂書鈔六十引司馬彪續漢書曰魯充為博士受詔議立

七廟三雍大射養老

董巴

蘇林

三國志魏文帝紀注引獻帝傳曰博士蘇林董巴

繆斐

三國志魏劉邵傳注引先賢行狀曰繆斐字文雅該覽經傳

徵博士

許慈

吳潛

許勛

三國志蜀許慈傳曰許慈字仁篤南陽人也師事劉熙善鄭

氏學治易尚書三禮毛詩論語時又有魏郡吳潛字公興先

主定蜀承喪亂歷紀學業衰廢乃鳩合典籍沙汰眾學慈潛

並為博士慈後至世稍遷至大長秋卒子勛傳其業復為博

士 隸續黃龍甘露碑曰博士臣許慈華陽國志曰建安二十四年黃龍見成紀赤水九日乃立廟作碑

韓宗

三國志吳張紘傳注引吳書曰紘入太學事博士韓宗治京氏易歐陽尙書

殷亮

藝文類聚四十引殷氏世傳曰殷亮建武中徵拜博士諸儒講論勝者賜席亮重席至八九帝嘉之曰學不當如是耶

申威

北堂書鈔四十引漢雜事曰博士申威以怒增刑

龍巨長

元和姓纂 引風俗通曰吳郡漢時博士龍巨長 太平御

五經博士考

卷三

覽五百引謝承後漢書曰龍巨長吳郡人篤志好學王莽篡

位隱居太末以耕稼爲業

劉叔遼

風俗通曰沛國劉矩叔方字叔遼叔方雅有高問州郡辟

請未嘗答命太尉徐防太傅桓焉嘉其孝敬爲之先後叔遼

由此辟博士

范顯

風俗通曰汝南范滂父字叔矩博士徵 後漢書范滂傳注

引謝承書曰滂父顯故龍舒侯相

任敏

意林引風俗通曰博士任敏 蔡中郎集答尙書可齋議曰

博士任敏

沖和

古今姓氏書辨證引風俗通曰漢有博士沖和

朱穆

蔡中郎集鼎銘曰朱穆字公叔拜博士高第作侍御史

園典

蔡中郎集處士園叔則碑曰園典字叔則博士徵

張寬

華陽國志蜀都士女讚曰張寬字叔文成都人太守文翁遣

寬詣博士東受七經還以教授于是蜀學比于齊魯孝武帝

徵叔為博士叔明天文災異作春秋章句

胥君安

華陽國志引春秋穀梁傳首序曰成帝時議立三傳博士

五經博士考

卷三

三五

巴郡胥君安獨駁左傳不祖聖人

羅衍

華陽國志蜀都士女讚曰羅衍字伯紀成都人徵博士

楊班

華陽國志先漢以來士女目錄曰博士楊班字仲桓成都人

劉宏

宋書武帝紀曰劉洽生博士宏

蕭周

南齊書高帝紀曰蕭苞生博士周

孫瑞

通典八十曰獻帝初平四年正月當祀南郊尚書八座議欲

卻郊日又定冠禮而月朔日食博士孫瑞議正月之吉太陽

虧曜謫見于天而冠者必有裸享之儀金石之樂飲燕之娛
獻酬之報是謂聞災不祇肅見異不怵惕也

落下仲異

下通志作姪

元和姓纂十曰漢有博士落下仲異

范滂

元和姓纂七曰范氏代郡漢博士范滂之後

李君況

唐書宗室世系表曰君況字叔干一字子期博士

陸駿

唐書宰相世系表曰陸駿字季才太學博士 吳郡志曰陸

駿仁懿信厚爲邦族所懷官至九江都尉

劉熹

五經博士考

卷二

三輔黃圖注曰漢博士劉熹

弦訢

通志氏族略曰漢有博士弦訢

孔忠

孔武

孔驩

孔仁

東家雜記曰十代忠字子貞爲博士十一代武字子威爲武

帝博士十三代驩博士十七代仁博士 史記孔子世家曰

子襄生忠忠生武 又曰安國生印印生驩 祖庭廣記曰

仁以文學爲議郎遷博士

巢堪

姓氏遙華集丁曰巢堪漢章帝博士時魯國曹褒上書宜定禮

制堪曰一世大典非褒不可上拜褒侍中

金吾案後漢書曹褒傳曰褒上疏請著漢禮太常巢堪以爲一世大典非褒所定不可作袁氏後漢紀口元和二年

曹褒請制禮太常樂堪以爲不可許逸華云云疑誤

魯勝

氏族大全曰魯勝漢隱士爲建康令稱疾去官再徵爲博士

左立

漢石經論語殘碑曰博士臣左立

文穆

水經注廿三文穆碑曰穆郡戶曹史徵試博士

婁名無考

集古錄漢婁壽碑曰先生諱壽字元老南陽隆人也祖太常

博士

路君名無考

金石錄會稽東部都尉路君闕銘曰君故徵試博士永平八年造

五經博士考

卷三

仲定

金石錄廷尉仲定碑曰君諱定家于成陽徵試博士

劉寬

隸釋太尉劉寬碑曰寬字文饒宏農華陰人博士徵後漢

書劉寬傳注引謝承書曰寬少學歐陽尚書京氏易尤明韓

詩皆究極師法稱爲通儒

孔志

隸釋引天下碑錄有漢博士孔志碑後漢書光武紀曰建

武十四年封孔子後志爲褒成侯

逢汾

隸釋曰石刻有漢故博士趙博逢府君神道通志金石略

載有漢博士逢汾墳前石柱碑篆金石錄九引濰州圖經

曰汾好學以德義聞徵爲博士

王噲

隸續膠東令王君廟碑曰王噲字叔恭博士徵

李儒

金石錄補漢曹全碑陰曰徵博士李儒文優 後漢紀獻帝

記曰初平三年李傕舉博士李儒爲侍中

王遵

秦景

真誥九曰漢明帝夢見神人身長丈六頂生圓光飛在殿前

遍問朝廷通人傳毅對曰臣聞天竺國有得道者號曰佛能

飛行身有白光殆其神乎帝乃遣博士王遵等十四人之大

月氏國採寫佛經四十二章 釋氏稽古略曰永平七年帝

五經博士考卷三

三

夢金人長丈頂有日光飛至殿廷巨聞羣臣太學聞人傳毅

奏曰周昭王時西域有佛出其形長一丈六尺而黃金色陸

下所見將必是乎博士王遵推周書異記佐之帝遂遣中郎

蔡愔博士秦景等一十八人使西域求佛法 金吾案世說新

子曰遣羽林將軍秦景博士弟子王遵等之大月氏國寫取

佛經四十二章 隋書經籍志曰漢張騫使西域聞有浮屠之

教哀帝時博士弟子秦景使伊存口授浮屠經後漢明帝夜

夢金人傳毅以佛對帝遣郎中蔡愔及秦景使天竺求之得

佛經四十二章 均與稽古略異

附諸侯博士

史記五宗世家曰諸侯得自除博士 續漢書百官志曰景帝時省 漢

書河間獻王傳曰獻王德修學好古立毛氏詩左氏春秋

博士

白生

通志氏族略引漢書曰白生魯人為楚元王博士

毛萇

漢書儒林傳曰毛公趙人治詩為河間獻王博士 毛詩正

義引詩譜曰魯人大毛公為訓詁傳于其家河間獻王得而

獻之以小毛公為博士 後漢書儒林傳曰趙人毛萇傳詩

是為毛詩

賈公

漢書儒林傳曰賈誼為左氏傳訓詁授趙人賈公為河間獻

王博士

五經博士考卷三

三九

兩漢五經博士考卷三終

賈公

賈公

賈公

賈公

賈公

賈公

賈公

賈公

賈公

漢魏石印書
法書全圖

光緒十年歲在甲申孟
春三月後知不足齋刊

漢魏六朝志墓金石例自序

余年二十有一購得宋賓王校錄書冊數帙內有金石例凡三種

此係雍正年鈔本在雅雨堂未刊之前

時好爲詩詞及駢體未暇討論也後稍稍究心碑碣文字每以此三書參考因

曝書亭集跋墓銘舉例之言輒思補爲之以廣前人所未及適吾鄉彭甘亭先生見語以爲此數年來與諸相知欲爲而未果者子盍任之因不揣鄙陋著此數十頁所舉碑例限於插架儲本無多或詳審未徧舛錯挂漏均所不免惟大雅君子有以匡之焉

嘉慶壬申醉司命日荆石山民吳鎬書

自序

丁巳年

漢魏六朝志墓金石例卷之一

鎮洋 吳鎬 荆石

漢

蔡中郎 碑二十四首 靈表二首

太尉橋公廟碑

右碑書祖父官秩書高祖諱不書祖父諱一例也
詳書治行一例也未出諱字復總叙履歷一例
也 按橋公一人而二碑此其三孤故臣門人
所立文云書於碑陰者後故吏司徒崔烈等所
立是正碑矣碑陰而系以銘又一例也

漢魏志墓例

二〇五

太尉橋公碑

右碑首書諱字鄉邑不書姓名門也一例也祖父
皆書官不書諱又一例也

太傅文恭侯胡公碑

右碑不叙家世僅書其父之官一例也書官賜諡一
例也書故吏名因碑為所立又一例也 此一
人而建三碑非書於碑陰者下文烈侯楊公

碑同

太傅胡公碑

右碑首書卒葬旦例也即書椽某某稱公之德

云刊石慰哀一例也總計其五作卿士七蹈
相位又一例也

胡公碑

右碑書其繼親在堂朝夕定省不違子道一例也
卒後書天子悼痛贈策賜誄又一例也

太尉汝南李公碑

右碑書族出及曾祖父伯父官因顯也一例也書
母憂乞行服闋一例也卒不書月日畧也

太尉楊公碑

右碑書烈祖楊喜封赤泉侯嗣子業紱冕相繼公
漢魏志墓例

之不致登司徒太尉獨不書諱一例也

司空文烈侯楊公碑

右碑書本人及其父祖之官皆不書諱變例也書
其孤某昭銘景烈一例也

文烈侯楊公碑

右碑不書家世履歷及卒葬日亦變例也

司空袁逢碑

右碑亦不書姓諱家世鄉邑似史臣論讚變例也
司空房公碑同

荊州刺史度侯碑

右碑與袁房二碑相似而此則序而不銘一例也
朱公叔墳前石碑

右碑首書年月日某官某卒於京師一例也序中
但詳其子受顧命不崇墳封墓而懼彌久夸於
平壤乃刊碑石一例也銘中始論讚公叔又一
例也碑題書字不書官一例也

陳雷太守胡公碑

右碑正例書也書其卒日遣吏奉章報謝蓋遺表
也一例也

陳太丘碑

漢魏志墓例

三
五十九

右碑題書所宰邑名一例也書懸車告老一例也
書會葬千人一例也

文範先生陳仲弓碑

右碑題不書官諡重於官一例也攷後漢書列傳
仲弓有六子紀諶最賢廟碑所載季方早亡紀
字元方長子也廟碑止書一子此碑但書孤嗣
紀餘子悉不書又一例也 按至止仲墓銘舉
例以韓昌黎柳子厚誌書子不書妻謂子蓋微
出其下書子不書妻者悉以此誌例之今考東
漢志墓碑文書子書孫者有數十篇書妻者僅

見六篇李才碑書出妻未再娶因無子故書之一馬江碑蓋因妻下兆與江共塋故書之

一戾成碑妻先卒而合葬者然於尾後提行另書餘則夏堪碑有聘會謝氏并靈合柩句戚伯

著碑有聘妻朱氏句洪氏所謂文則崛奇字甚怪陋蓋不足據為例者又有金恭殘碑妻

缺字樣又皆不書子此外則無之矣可見古之

金石楷式無妻子兼書之例即以韓文論之凡

書子不書妻者除其所舉之外尚有五篇止仲

又豈得皆證為微出此言之不足據者復以李

漢魏志墓例

の

三〇七

文公獨孤墓誌柳河東裴君墓誌以實其言則近於自文其過矣

郭有道林宗碑

右碑正例書也但書族出一例也

貞節先生范史雲碑

右碑書遠祖不書三代一例也碑題書謚不書官

同文範先生陳仲弓碑例也

彭城姜伯淮碑

右碑書高祖祖皆豫章守而不書父因顯也即例之變也文中叙從游弟子某等因碑為所立一

例也碑題書其鄉郡名又一例也

翟先生碑

右碑與袁逢碑同書鄉黨勒銘一例也

汝南周巨勝碑

右碑題不書職蓋未就也一例也姓叙於銘中又一例也

處士園叔則碑

右碑首書漢二十有一世處士有某者一例也書其臨沒顧命曰知我者其蔡邕乃為銘一例也碑題書處士亦一例也

漢魏志墓例

元文先生李子才碑

右碑書出妻後未娶故無子一例也私諡見於銘中一例也

袁滿來墓碑

右碑不曰諱某字某但云茂德休行曰袁滿來志童子一例也題書墓碑一例也

童幼胡根碑

右碑書某官某子某字某又誌童幼一例也書就封祖墓一例也親屬樹碑又一例也

太傅胡公夫人靈表

右表題不書氏一例也題書靈表一例也書字不書諱一例也書所生五子未冠者二不書名一例也書元女金盈鑄銘頌母又一例也

司徒袁公夫人馬氏靈表

右表書族出正例也書弟因顯也一例也不書字諱婦人重在姓或略之一例也書子二而銘曰兄弟何依姊妹何親女蓋略而不書又一例也諸葛丞相 墓碑一首

司馬季主碑

右碑係銘辭不載鄉族姓諱文止四言八句例之漢魏志墓例

變也 按晉張華博物志漢西都時南宮寢殿有醇儒王史威長死葬銘八句三十二字蓋當時有此碑式惟彼則以王史威長四字作末句與此稍異又按真誥精神樞第四篇載司馬季主墓在蜀成都升盤山之南諸葛武侯昔建碑銘德於季主墓前碑讚末曰云云即四言八句據此考之蓋上文殘缺非全碑矣然真誥一書真偽難辯未可舉論金石文字也

邯鄲淳 碑二首

鴻臚陳君碑

右碑云存乎本傳故略舉其著於人事者一例也
書父與弟因時有三君之號也一例也書子建
碑與蔡中郎文烈侯碑同例也

曹娥碑

右碑止叙曹盱及娥之死讚嘆之語悉詳於誄辭
一例也

不著撰人姓諱

碑四十首

表紀一首

墓表一首

碣一首

銘一首

郎中鄭固碑

右碑詳其文義乃弟述其兄而作故不書姓一例

漢魏志墓例

七

二八十三

也文云大男孟子七歲而夭配食斯壇蓋拊葬
者一例也

泰山都尉孔君碑

右碑正例書也碑陰書未冠者曰門童一式也

按洪氏曰親受業者曰弟子次相傳授者曰門
生未冠者曰門童總而稱之亦曰門生椽屬曰
故吏占籍曰故民非吏非民則曰處士素非所
涖則曰義士義民亦有稱議民賤民者附誌於
此 又洪氏曰凡漢刊其首行即入詞無額者
或題其前如張納樊安之比亦甚少已篆其上

復標其端惟此碑耳此式後來多遵用并附誌之

執金吾丞武君碑

右碑不書姓鉅族也書其父兄於卒日之後一例也書其父之官而不名與蔡中郎文恭侯胡公碑同例也書兄之官而亦不名又一例也

衛尉卿衡府君碑

右碑辭末有門生朱登名或即其所撰書父兄之官而不名與前碑同例也

郎中郭君碑

漢魏志墓例

右碑殘缺洪氏所謂其云惠兄仲孺又云元兄繼世而有爲人後者爲之子之句蓋郭君以兄子爲後也一例也

沛相楊君碑

右碑辭中書姓與蔡中郎周巨勝碑同例也

太尉楊震碑

右碑係震之孫門人所立去震卒已四十餘年矣書四子一孫名及官秩一例也

司隸校尉忠惠父魯君碑

右碑不書姓名門也書其喪父如禮蓋服闋而拜

官者一例也碑題書門人私謚一例也

豫州從事尹宙碑

右碑書君東平相之元會稽太守之曾稱曾元而

去孫字一變例也

高陽令楊君碑

右碑書楊著曾遷拜思善侯相即以兄憂去官碑

題仍稱高陽令蓋古金石體式如此一例也

博陵太守孔君碑

右碑書彪從博陵遷下邳相河東太守而題書前

官蓋碑為博陵故吏所建亦古金石之一例也

漢魏志墓例

元儒先生婁壽碑

右碑書私謚於碑題而文中但云論德處謚不出

元儒二字變例也

堂邑令費鳳碑

右碑乃其妻弟所立略叙年月卒日而即系以誄

辭古人誄與碑誌同如曹娥碑亦曰設祭誄之

一例也誄後載故吏二人竭力送終之事亦一

例也

堂邑令費鳳別碑

右碑首云舅家仲孫甘陵石勳歐陽集古錄作勳字子才

蓋鳳之中表所述一例也序止自言奔喪哀慕
叙詩之意僅八十一字即系以詩先叙世系歷
官繼以韻語六十句一變例也文中書甥舅及
諸姑伯姊皆剗例也書其孫之字又一例也
敦煌長史武斑碑

右碑云追惟昔日同歲郎署蓋為僚友立者一例
也碑末載書碑人姓名一例也

平都相蔣君碑

右碑書卒於官一例也蔣卒於元嘉三年文云禮
畢祥除瞻望墳塋則碑乃服闋後所立也

漢魏志墓例

山陽太守祝睦後碑

右碑首書故吏王堂等述云一例也睦卒之後

已樹碑銘功矣此則三年禮闋之後故吏復為
刊石者題曰後碑亦一例也下陳球後碑同

從事武梁碑

右碑不言鄉邑族出略也書建祠雕文一例也書
子曰孝子某一例也孫曰孝孫某又一例也

議郎元賓碑

右碑書守之弟子中牟令兄子書其伯叔之官
而不名又一例也

車騎將軍馮緄碑

右碑書賜諡曰桓見於銘末一例也緄謫遷廷尉而終題則仍書將軍亦一例也

金鄉長侯成碑

右碑叙賜氏之始例之正也碑尾提行另書夫人以某年月日遭疾終蓋先卒而合葬者又古金石文字之一例也不書夫人姓略也

郎中馬江碑

右碑書夫人曹氏於某年月卒後江卒相去十七年矣又載其弟位至主簿督郵年三十二早世蓋洪氏所云當是因夫人卜兆以馬君共塋又同時改厝其弟故碑并言之變例也

慎令劉修碑

右碑因宗室不書氏族一例也碑爲二弟三子所立又一例也

北軍中侯郭仲奇碑

右碑首書仲奇爲元城君之第四子後叙家世并書其兄弟官一例也

故民吳仲山碑

右碑專書尚志惠施之德一正例也不書諱而

書字一例也碑題書故民洪氏謂物故之民作碑者體其謙晦之操故以民稱之與州縣之民爲其長官立碑自稱故民者不同亦一例也文則稱吳公又一例也

童子逢盛碑

右碑乃其父之門人所立盛年十二而大碑題書

童子一例也

綏民校尉熊君碑

右碑書其同產弟某係某官早卒例也 碑後

載茶陵長文春重安侯相杜輝二官壽詩行事

漢魏志墓例

十七 五五七

各數十言洪氏謂似是同郡盛德之士作文者惜其無所紀錄故附之左方則柳河東先友記王臨川征君墓表皆宗此例也

梁相費汎碑

右碑書適孫某因碑爲所建一例也書其二子

名并官秩與楊震碑同例也

光祿勳劉劉耀碑

右碑云孝文枝胄梁孝河東之裔孫誌宗室之一

例也

督郵斑碑

右碑書司吾君少子尚書小弟銘曰仲夏實霜蓋
早夭者銘之首句書首字一例也

浚儀令衡立碑

右碑辭曰於穆從事蓋其官名銘首書官一例也
碑云其先出自伊尹衡方碑亦云伊尹稱阿衡
因而氏焉二人蓋同族也

先生詭輔碑

右碑叙家世論孝友皆正例也書四男三女俱不
書名一例也蓋略也又書其季女明文穎川夫
人因碑為所立此初例也於銘中復叙子女又
一例也

漢魏志墓例

卷之六十一

李翊夫人碑

右碑辭云於戲夫人臧侯苗焉蓋夫人姓臧書夫
人姓於辭首一例也辭後又有一嘆曰一例也子
女皆不書名略也

平輿令薛君碑

右碑前叙卒之年月及吏民懷德刊石卅六字
後銘詩三百四言又一例也

嚴訢碑

右碑題止書名非例也先書卒年壽數嗟嘆著誄

凡百餘字其碑辭首句始云伊歎嚴君諱某字某而述其行實與費鳳兩碑相似皆變例也

都鄉孝子嚴舉碑

右碑首書某鄉里孝子某一例也獨詳叙孝行正例也下系以頌頌之後復系以亂曰一例也未另書邑官甄表之語亦一式也

冀州刺史王純碑

右碑殘缺書以公事去官一例也 趙氏云碑陰有義士云共出義錢又一式也

孝廉柳敏碑

漢魏志墓例

亦 五十八

右碑題書孝廉一例也書其墓無碑誌縣長趙臺爲之立碑一例也

陳球後碑

右碑亦殘缺書遭繼母憂一例也書以父病去官一例也

丹陽太守鄧旻碑

右碑雖殘考之亦正例書也碑後另書其弟太尉卒從子五原太守重刊此石又一式也

司隸校尉楊淮表紀

右表書從弟名及官秩一例也未書大司徒孟文

元孫一例也後載同郡卞玉字子珪以某年月日過此表紀又一例也

謁者景君墓表

右表首書卒之年月於辭中叙其履歷一例也碑陰書立碑之人爲諸生服義者一式也

孔謙碣

右碣簡達古朴碣之正例也書孔子廿世孫一例也

北海相景君銘

右碑題書銘一例也前已有誄曰後又有亂曰與孝子嚴舉碑同式也

漢魏志墓例

魏

去

子。九

劉公幹

碑一首

處士國文甫碑

右碑但書其飭躬力行不書族出姓諱而書某年月卒變例也

不書撰人姓諱

碑四首

王基斷碑

右碑已殘缺文有棗鐫石表墓句蓋當時奉敕所立一例也

橫海將軍呂君碑

右碑專書武功正例也書寢疾一旬而卒亦例也

司徒掾梁休碑

吳附

右碑據碑錄云建安廿七年立或吳國尚用漢歷也文云守節曰貞博文曰文請謚休爲貞文子述謚法之詳者一例也

九真太守谷郎碑

右碑書家世履歷卒日正例也書三歲喪母十一
凶父一例也

右漢魏文七十八首 例一百三十六條

漢魏志墓例

去

了の十二

漢魏六朝志墓金石例卷之一終

漢魏六朝志墓金石例卷之二

鎮洋 吳鎬 荆石

晉

孫馮翊 碑二首

故太傅羊祜碑

右碑首言稟儀之神靈

云

但書遷黃門侍郎

履歷亦略而不書非例也止叙其算滅吳之畧

蓋舉其經濟所重者一例也

雁門太守牽府君碑

右碑簡略如前碑晉魏之間多有此式皆非例也

六朝志墓例

374

文云牽君少與蜀主有別頸交後事魏武以所

交非常為時所忌每自酌損逸聞也

潘黃門 碑一首

荊州刺史東武戴戾楊使君碑

右碑首書諱字鄉邑封爵謚法一例也爵曰東武

伯謚曰戴題書戴戾一例也題書使君又一例

也文不詳其仕荊州及卒之年月略也

潘太常 碑一首

給事黃門侍郎潘君碑

右碑云君遇孫秀之難闔門受禍故門生感覆醢

以增勸乃樹碑以紀事止廿五言一例也

陸平原 碑一首

晉平西將軍孝侯周處碑

右碑書祖早亡一例也詳書其父所歷官階一例也書其所著默語三十篇一例也書其臨陣作詩言畢而戰一例也按趙子函石墨鐫華謂

王元美論處既殉國戰死又云元康九年因疾捐館吳晉俱無此年號蓋碑有空石後人妄增之耳又云唐元和中黃某重為書刊者故後云詔賜處母醫藥酒米及娶某氏子某等皆不據

六朝志墓例

二

二十七

以為例也

李興 碑一首

故使持節侍中太傅鉅平成侯羊公碑

右碑正例書也書其夫人夏侯氏因事也一例也又於其卒後書詔封夫人為萬歲鄉君紀殊恩也亦一例也自東漢以來除合附書妻之例外妻未卒而文中詳書某氏可據以為例者從此

碑始

裴希聲

碑一首

侍中稽侯碑

右碑先以議論叙起一例也 按稽紹中散子也
蕩陰之役矢集御輦紹儼然端冕以身捍衛血
濺帝衣遂遇害考之乃永興元年碑云太安之
初與史歧誤又考晉書東海王越路經紹墓刊
石表贈帝乃冊贈侍中光祿大夫賜墓田一頃
客十戶祀少牢或卽希聲代東海王撰也此文
僅見藝文類聚足以證唐代修晉書譌故附
志於此

李闡 碑一首

右光祿大夫平西靖侯顏府君碑

六朝志墓例

三

乙卯六十九

右碑正例書也書致仕退居長子解職視膳一例
也未云闡託姻顏氏採集言行而著此傳又一
例也

袁宏 碑一首

丞相桓温碑銘

右碑題書碑銘一例也全篇空論戰功行誼而無
諱氏鄉邑事實生卒一變例也

孫廷尉 碑三首 墓頌一首

太尉庾亮碑

右碑亦簡略如論讚變例也云大君有命納妃德

門書貴戚之一例也

丞相王道守碑

右碑首書云公冑興姬文氏由王喬云云語雖略然一例也無銘與蔡中郎庾戾碑同例也

太宰郝鑿碑

右碑云氏族所由皆紀於祖御史大夫之碑矣一例也

聘士徐君墓頌

右頌題書聘士一例也首云晉南昌相太原縣君白漢故聘士徐君之靈一例也蓋宰此邑者瞻

六朝志墓例

仰墳祠而作故曰墓頌又一例也

盧無忌表一首

太公呂望表

右表因冢為盜發裔孫重為立石一例也書無忌亦太公之裔則崔盧二姓同一所出也

傅鷄觚墓誌一首

江夏太守任君墓誌銘

右誌簡略與蔡中郎房表二碑同例也題書墓誌銘自此碑始一例也

王大令志一首

保母磚志

集無磚字

右志志保母一例也書婦人能書一例也書無疾而終一例也書殉葬物又一例也書八百餘載知獻之保母宮有類滕公石室三千年曹娥碑五百年後之語而是磚於宋嘉泰二年出土適符其數亦異也按保母之名見禮內則王述菴跋此磚引晉書顧和傳帝以保母有阿保之勞保母亦稱阿母又引扁鵲傳濟北王阿母自言足熱而懣注云阿母是王之奶母也等句以此考之則韓文乳母誌銘及東坡乳母保母誌銘悉皆宗法此誌此磚雖在宋南渡後出土其文則韓蘇皆得見者故東坡保母銘亦云百世之後陵谷易位知其爲蘇子之保母此明証也王止仲引臨邛韓氏謂葬乳母而爲銘自文公始非也

不著撰人姓諱

碑三首

墓版文一首

任城太守孫夫人碑

右碑先叙其在母家事一例也書嗣子某爲先妣作辭又一例也

右軍將軍鄭烈碑

右碑正例書也書其曾祖祖曰曾祖先生皇祖徵君皆不名一例也書寢疾彌留乞還京輦一例也張平子碑

右碑首書河間諱某南陽此縣人不叙家世卒葬蓋南陽相夏侯湛咨訪先賢刊石表墓之文也一例也

關中侯留韜墓版文

右版文書官秩姓氏字諱并云淑孝處士君之元子也夫人某氏文止四十七言於功狀無所鋪叙古人之不濫美如此此石由掘井始出蓋當時埋諸壙中者可為埋銘定式一例也

六朝志墓例

六

百七十四

宋

傅光祿 銘一首

故安成太守傅君銘

右銘銘其父也一例也稱父為君一例也式亦如論讚末八句四言用韻題止書銘與漢北海相景君銘同例也文無銘曰二字亦變例也

謝光祿 銘一首

司空何尚之墓銘

右銘四言十二句與諸葛丞相司馬季主碑同例

也題書墓銘一例也

不著撰人姓諱

墓誌三首

宋故散騎常侍護軍將軍臨澧侯劉使君墓誌

右誌文不書姓宗室也叙字諱履歷卒葬及賜諡

皆正例也書薨於位一例也 碑文之前詳書

曾祖宋孝皇帝 祖景王諱字官秩妃某氏字

某諡某妃其父某字某係某官祖某字某係某

官合葬某山 此蓋指其祖與妃合葬所也下同 父諱字官秩

夫人某氏字某 叙其母之父 合葬某山 所生

母某氏某城人葬某山 與其父所葬之山同 兄某字某

六朝志墓例

七

卷之七

係某官夫人某氏字某 叙其夫人之父祖與上同 合葬於某

山 第三弟某字某係某官葬某所 叙其夫人之父祖與上同此蓋弟 第四弟某字某係某官

卒而夫人尚在者 第五弟 其

叙其夫人 葬某山 此蓋夫人先卒 第五弟 其

與上同 第一姊字某適某係某官其父某係某

官祖某係某官重適某係某官 叙其父祖與前同 第

二姊字某適某係某官其父某係某官祖某係

某官 第三姊 其下與二姊同 第四姊 其下與二姊同 第

五妹 其下有重適與一姊同 第六妹 其下亦有重適與一姊同 夫

人某氏字某其父某字某係某官祖某字某係

某官 第一男某字某出後兄某封某 第二

男某字某係某官 第三男某字某 第四男

某字某出後四弟某 第五男與三同 第六男

與三同 第一女字某 第二女與一 第三女

小字某公葬某所 右縷述諸條似孫叔敖碑

陰墓誌中異式也然於義無礙較之撰述濫美

之辭徒增繁冗者不猶愈歟

宋故散騎常侍揚州丹陽郡秣陵縣謝公墓誌

右誌首書祖諱字下缺夫人某氏父某字某係某

官此其祖母父也父諱字官秩夫人某氏父某字某係

六朝志墓例 三八 三〇七

某官此其母之也中書本人鄉里官秩字諱卒年葬

日後書夫人某氏卒年蓋卒於夫後者合祔日父某字

某係某官祖某字某係某官此其妻之父祖也與前誌

似同而稍變者末書嗣孫某一例也

宋張氏墓誌

右誌書宋故某縣侯某太守張府君某夫人某氏

諱某第三女某卅一於偏憂某年月權假窀

窆某所似未嫁而卒者變例也

齊

王文憲 碑一首

太宰文簡褚彦回碑文

右碑題書碑文一例也從議論起與裴希聲侍中
楷侯碑同例也叙家世獨書祖官一例也詳書
履歷行治卒葬諡法例之正也書尚主一例也
書丁所生母憂謝職一例也書以疾陳退薨於
私第又一例也

謝宣城 墓銘一首

臨海公主墓銘

右銘四言二十八句與司空何尚之墓銘同例也

梁

六朝志墓例

沈隱侯 碑一首

九 二九二

齊故安陸昭王碑

右碑正例書也其遷拜履歷因國史所詳略而不
書一例也於其卒後復詳加論讚與蔡中郎橋
公碑同例也

簡文帝 墓誌銘二首

華陽陶先生墓銘

右銘首書卒葬諡法一例也書其卒曰某年月日
某時一例也書道家之卒曰蟬蛻於某所又一
例也 按金石萃編以唐淨藏禪師塔銘爲卒

日書時之始似未檢此文

徵士何子哲先生墓誌銘

右碑題書徵士二例也書其與某某爲友一例也
文云給白衣尚書祿一異也

梁元帝 誌一首

侍中吳平光侯墓誌銘

右誌與蔡中郎荊州刺史庾侯碑同例也書遺疾
薨於道一例也

陸太常 誌一首

誌法師墓誌銘

六朝志墓例

十一 三〇九

右碑首云法師自說姓氏某一例也云其生緣桑
梓莫能知之一例也書卒曰某年卽化於某
佛堂又一例也

徐簡肅 誌一首

故元陽敬太妃墓誌銘

右誌正例書也書早世棲居一例也全錄拜太妃
策及議謚詔紀恩也一例也書具官臣某奉敕
撰又一例也

江醴陵 銘一首

宋光祿大夫孫覿墓銘

右銘無序首四言末六言皆變例也

任中丞 誌一首

劉先生夫人墓誌

右誌亦有銘無序蓋齊梁墓銘似此式者有八九皆不可據為例也

蕭綸 碑一首

隱居貞白先生陶君碑

右碑亦從議論起書七世祖一例也詳叙其六歲解書七歲讀經書幼敏之一例也叙其與親友書一例也書其解職隱居之後帝恩歲給藥餌一例也遣司徒徵還茅山又一例也

六朝志墓例

十一

百九十一

陳

沈侍中 碑一首

太尉始興昭烈王碑

右碑首從崇親立論起繼言皇族發祥之始書詔旨而系以銘蓋追贈後奉敕撰者一例也 按陳書王諱道談仕於梁為東宮中流矢卒故景之亂領弩手二千援臺於城中中流矢卒故銘有身死忠貞名存前代句而文中未之及蓋略也

徐僕射

誌二首

司空章達遠墓誌

右誌專叙其戰功一例也不書姓諱履歷亦略也書其前所奉之君一異也

河東康簡王墓誌

右誌宗室也首頌遙源累葉一正例也書其儀表歷官而無行實因年十七而夭無善可述也一例也

後魏

穆子容

表一首

六朝志墓例

太公呂望表

右表蓋太公諸裔孫尚氏以盧无忌碑僻據山阜遂率親黨更營碑祠請太守撰文并書无忌所撰於前一例也碑末提行另書具官某不曰撰而曰山行子容字也之文又一例也碑陰列尚氏族屬一式也

不著撰人姓氏

碑三首

誌銘七首

魏故中書令秘書監使持節督兖州諸軍事安東將軍兖州刺史南陽文公鄭君之碑

右碑叙族出三代官秩姓諱及履歷行治謚法例

之正也書其辭清雅博所作謠頌賦策皆行於世一例也書其子某某才學冠時人比之三陳且詳其官秩又一例也

魏故驪驤將軍營州刺史高使君懿侯碑

右碑書其祖誕文昭皇太后叙外戚之一例也又書其姊拜皇后亦一例也書遘疾卒於京師二宮悼痛又一例也

賈思伯碑

右碑雖殘考之亦正例書也書門姪長幼句蓋族姪也

與唐尉邊通碑稱長子為門子不同及碑尾載某年月日訖功指

六朝志墓例

十一 三九〇九

碑功訖也大義主某稱義民義士之變皆古金石文字中異

式也

魏故寧朔將軍同州鎮東將軍漁陽太守宜陽子司馬

元興墓誌銘

右誌書氏諱鄉邑後詳述其高曾祖考諱字官階

諡法凡一百七十餘言叙本人止十六字不言

官秩變例也或云南朝禁墓誌故僅載官秩不

叙功勳耳書遷葬於温城西北廿里一例也

魏代揚州長史南梁郡太守宜陽子司馬景和妻墓誌

銘

右誌題不書氏與蔡中郎胡公夫人靈表同例也
題曰銘而文曰頌亦一例也叙家世云中散大
夫之幼女陳郡府君之季妹書其兄之官一例
也書十七而作嬪於司馬氏一例也書駕小星
之逮下故能慶顯螽斯有五男三女皆不書名
略也詳書卒於某邑歸葬某所一例也按王
述菴金石萃編引孟縣志云此誌體類加九錫
文竊以謂此是司馬家風故相沿以施之於巾
幘耳附書於此爲好變古式勗立新異文體者
戒

六朝志墓例

方 二九。六

司馬昞墓誌銘

右誌書晉武帝八世孫一例也

刁遵墓誌

右誌已殘首列祖考某某與宋散騎常侍墓誌
同書司空文公見而異之以女缺一字
似字字焉一例

也遵子多至十三人文云小子整等蓋遵沒時
整兄楷尚俱先卒故略之一例也書葬於皇考
此指遵
父也 某公神塋之左一例也
古金石例云皇
字隧字不敢稱

附誌

魏故懷令李君墓誌銘

右誌題書懷令一例也首書字某本字某因與江

左之族叔同故避改云一例也書為受罪者誑

章憲臺臺誤聽除為民一例也銘後題行另書妻

某氏父某官息女某適某係某職已適者三人未適者三人

息某三年若干較劉使君碑式又稍變矣

魏故假節督齊州諸軍事輔國將軍齊州刺史高纂

誌銘

右誌正例書也書其祖考之官秩而不名與蔡中

郎文烈侯楊公碑同例也書終於家一例也

魏故持節龍驤軍督營州諸軍事營州刺史征虜將軍

六朝志墓例

六 37021

大中大夫臨青男崔公之墓誌銘

右誌首列祖父及祖母母諱字等後書本人爵里

與宋謝公墓誌同例也書嬰疾連歲以某年月

日卒於位一例也書孤息某刊遺德於泉路與

漢邯戰淳鴻臚陳君碑同例也

北齊

朱敬脩 誌一首

朱代山林墓誌

右誌乃子誌其父故叙其曾祖父官秩行治甚詳

直書名諱如蔡中郎祖攜碑之例一例也書兄

某弟某官秩馳聲並譽云亦一例也未云第

四子某式序徽猷而從父兄某勒銘黃壤係合

作者又一變例也唐盧藏用蘇瓌神道碑及

宋歐陽文忠公張君改葬墓碣皆兩人合作者

蓋宗此例也

申嗣邕 墓頌一首

隴東王感孝頌

右頌乃胡長仁經過孝子郭巨之墓爲之立石題

書頌蓋本晉南昌相瞻仰聘士徐君爲作墓頌

之例也不叙家世卒葬又與夏侯湛咨訪先賢

六朝墓志例

十六 二九十一

作張平子碑同例也文中書申某撰文梁某書

隸一變例也按後魏北齊之世鐫佛造像祈

求福報亦有追資其父母子嗣者見於今共計

五六十篇爲父母作墓誌者甚罕蓋世風之乖

陋也考北齊書外戚傳胡長仁人本不足取然

尚知孝行之美刊石頌之亦可謂秉彝之好矣

金石萃編所引諸跋未有論及此者故附誌於

此

北周

庾開府 碑十二首 誌銘八首

周上柱國齊王憲神道碑

右碑不書姓宗室也餘皆正例書也於卒後重加詳論其平生與沈隱侯安陸昭王碑同例也題書神道碑一例也

周太子太保步陸逞神道碑

右碑題書所賜之姓一例也文則云本姓陸一例也書曾高祖父之官而高祖獨未書諱一變例也書其兄以父爵推逞襲之一例也書妻先卒因合附也

周大將軍司馬裔神道碑

六朝志墓例

志

三〇八

右碑叙三代書其曾祖官秩行實將及三百言一變例也書裔爲遺腹子一例也書夫某公主某帝曾孫某王季女一例也於卒後總述其在朝四十一年身經一百餘戰任四郡歷八州與蔡中郎太傅胡公碑同例也

周柱國大將軍長孫儉神道碑

右碑亦從議論叙起者書其父某年止弱冠榮終解印蓋早亡者一例也書年十八解褐一例也於其卒後書遺令薄葬於太祖陵側一例也書某等六百九十七人表求立廟又一例也

周柱國大將軍紇于宏神道碑

右碑云本姓田氏紇于亦賜姓也下云論其繼世之功則狄城有廟叙其移家之始則長陵有碑事可略而勿叙者一例也又云胎教之月歲德在寅似叙其初生之年一例也書太祖以自著鐵甲賜之云云紀殊寵也一例也書持節原州衣錦鄉里一例也書身被二百餘箭傷肉破骨者九馬被十槊此詳叙戰功之一例也

周大將軍崔說神道碑

右碑書賜姓宇文改名爲說一例也書改封安平

六朝志墓例

十八

三〇九七

縣公鄉里衣錦與紇于宏碑同例也詳書三防禦十一戍防主一例也

周車騎大將軍賀婁公神道碑

右碑書卒後有詔贈某官禮也一例也總叙家世云四代儀同三司七世河州刺史一例也文末悲其妻孤子幼反葬途遠又一例也

周上柱國宿國公河州都督普屯威神道碑

右碑專叙其用兵一例也曰攻洛陽定宏農戰河橋平沙苑蓋叙其仕魏時事後丹山白壁之役蓋仕於周之事矣

周兗州刺史廣饒公鄭常神道碑

右碑首即以駢語叙家世正例也書襲父封一例也書即日賜姓宇文與國同族又一例也書在任邁疾薨於方鎮與紇于宏碑略同一例也

周隴右總管長史贈太子少保豆盧公神道碑

右碑云本姓慕容燕文明帝孰之後蓋南燕之庶也其高祖仕魏乃改姓豆盧又一例也

周柱國大將軍大都督同州刺史段永神道碑

右碑書皇帝臨喪一例也書夫人遷拜又一例也

周柱國楚國公岐州刺史慕容公神道碑

六朝志墓例

九

三〇廿七

右碑以哀嘆之辭叙起一例也

周大將軍聞喜柳霞墓誌

右誌書世父從兄皆因事也一例也碑銘叙夢兆者太公呂望表之外此則一例也詳書孝行一例也書歸窆舊塋又一例也

大將軍懷德公吳明徹墓誌銘

右誌正例書也書氣疾暴增奄然賓館益萌被執於周以憂邁疾卒耳此事之變也

周大將軍幽國公趙廣墓誌銘

右誌亦正例書也書其太夫人以公羸瘠悲泣相

守冒氣交衝而卒廣則以哭母死故有母死於
子子死於母句志死孝之一例也

周驃騎大將軍開府侯莫陳道生墓誌銘

右誌書擐甲邁疾死於轅門一例也

周譙國夫人步孤陸氏墓誌銘

右誌係早亡者不書子或未生也書其夫譙國曰
殿下又一例也

周安昌公夫人鄭氏墓誌銘

右誌云大將軍沉犀二江夫人聞獲三峽明月靈
關之阻秋風蜀道之難蓋安昌出鎮益州夫人

六朝志墓例

十一 二九千

偕行於路邁疾卒於成都耳一例也

後魏驃騎將軍荊州刺史賀拔夫人元氏墓誌銘

右誌後魏宗室女書封安樂公主一例也

周儀同松滋公夫人尉遲氏墓誌銘

右誌書其母金明公主銘亦曰母曰帝姬一例也

不著撰人姓諱 碑二首 誌一首

裴鴻碑

右碑殘損惟書其卒曰薨於建業客館蓋鴻窟

軍敗卒於陳之事也亦事之變也

譙郡太守曹放樂碑

右碑亦殘詳序先德與後魏司馬元興墓誌同例也
也放樂太守也而稱其造像寫經雖彼時時尚似不足據為例也

王通墓誌銘

右誌書未仕者之正例也書嫡子某某或庶出者略而不書也變例也

隋

虞世基 銘一首

隋故左屯衛大將軍左光祿大夫姚恭公墓誌銘

右誌書以母憂去官其年有警下云杖而後起

六朝志墓例

蓋未終喪者一例也

碑文之前書具官某撰文某書丹從此碑始

周彪 志一首

前陳伏波將軍驃騎府諮議參軍陳府君墓誌序

右誌題書誌序無銘因陳君有遺令不許立銘也

一例也書其撰集廿卷為世所重與後魏南陽

文公鄭君碑同例也直書其軍敗被囚漏刃獲

生自陳入隋 云 非例也書辭老還鄉其第二

息某昆季男女相率盡養蓋誌其歸里之樂也

又一例也 碑陰書 第二叔某字其係某官

妻某氏 第三叔 與上 並未入此山 蓋葬於

第五叔 同式

也

第二弟某字某 第三弟與二同未入此山 孝

騫所生李夫人次子之生母也 長息某早以未入此

山 第二息某字某凡六子與上同 長女某適某官

子某 第二女與長同 第三女某適某官某

第四女與三同 第五女某心願出家於某寺

未提行另書君妻某氏與後魏懷令李君誌銘

式又稍變矣

不著撰人姓諱 碑一首

曹子建碑

右碑乃其十一世孫所立與太公呂望表同例也

六朝志墓例

文有雕鏤真容鑄金寫狀句蓋建祠造像并立

碑者可作一例也

右自晉至隋 文七十八首 例一百四十二條

漢魏六朝志墓金石例卷之二終

山 第一息某字某 第二息某字某 第三息某字某

第一息某字某 第二息某字某 第三息某字某

第一息某字某 第二息某字某 第三息某字某

第一息某字某 第二息某字某 第三息某字某

漢魏六朝志墓金石例卷之三

鎮洋 吳鎬 荆石

自東漢至隋文集之放軼多矣其間所撰志墓之文可攷撰人姓氏者僅五十餘家而一人止有數篇又多簡略不可舉以為例惟漢蔡中郎北周庾開府二家文多例備故專以二君文體為式詳舉於後俟宗法漢魏六朝駢體者有所參攷焉

自家世叙起次履歷政治而以諱氏卒葬居後

太尉橋公碑

自諱氏三代叙起次履歷而以論讚居後

志墓文體式

橋公碑

先叙卒葬年月及掾屬累次德行總述履歷於後

太傅胡公碑

自諱氏家世叙起次履歷卒日而以掾吏立碑居後

太尉汝南李公碑

自諱氏家世次履歷卒日而以論讚及門人刊石居後

太尉楊公碑

首叙官秩謚法次家世履歷政治而書其字刊石居後

文烈侯楊公碑

自諱字叙起不書家世次言文學政治又不叙履歷而

以門生建碑居後

楊公碑

先書年月官秩卒葬後言其子受顧命建墳至辭中始論讚其平生

朱公叔墳前石碑

自諱氏族出叙起不書三代次言孝親博學履歷政治而以卒葬居後

陳留太守胡公碑

自諱字德行叙起次出仕歸隱而以卒日賜諡會葬居後

志墓文體式

陳太丘碑

先書刺史作諡封墓次諱字行實而以畫像建碑居後

太丘廟碑

自諱字族出叙起次言博學礪行高隱辭祿而以卒葬表墓居後

郭有道林宗碑

先以年月姓諱叙起論讚之而以卒月作銘居後

處士園叔則碑

先以姓氏嫁年叙起次論讚婦德書五子官秩而以卒葬居後

胡公夫人靈表

首書年月日卒葬其子撰述母德次家世論讚而以壽年居後

袁公夫人馬氏靈表

右蔡中郎集凡十五條

自宗支諱字叙起次履歷政治而以卒日論讚及葬日居後

齊王憲神道碑

自諱字族出三代叙起次履歷治行而以卒日賜謚合祔居後

志墓文體式

步陸逞神道碑

自諱字三代叙起次履歷卒日及合祔賜謚復加論讚并書其子建碑於後

司馬裔神道碑

先以議論起次諱氏鄉邑政跡履歷而以卒日謚法遺令居後

長孫儉神道碑

自諱字族出叙起次履歷戰功卒日又總計其入仕之年攻戰之數復加論讚於後

紇于宏神道碑

自族出叙起次諱字祖父才望履歷而以卒葬及哀嘆其妻子終之

婁公神道碑

自諱字家世叙起次履歷用兵而以卒葬詔贈拜其子勒石居後

辛威神道碑

先以哀嘆起次諱字鄉邑族出三代履歷戰功而以卒葬諡法論讚居後

慕容寧神道碑

自氏族叙起次諱字宗室履歷而以卒葬居後

志墓文體式

義興公墓誌銘

自諱字家世祖父叙起次叙兵機戰功而以卒自寄葬哀嘆居後

吳明徹墓誌銘

自諱字鄉邑三代嫁年叙起次論讚之而以卒葬及其夫傷悼之情居後

步陸孤氏墓誌銘

自家世叙起次論讚冊拜而以卒葬詔贈居後

紇豆陵氏墓誌銘

先以論讚叙起次諱字祖父嫁年而以婦德及卒葬居

後

元氏墓誌銘

自家世祖父叙起不書姓次婦德封秩而以葬日及其子述哀居後

鄭氏墓誌銘

右庾開府集凡十四條

漢魏六朝志墓金石例卷之三終

志墓文體式

七

六十七

古庾開府集凡十四卷

續六墓誌銘

十卷

自宋世出於徐陵不書姓次婦德封秩而以葬

元氏墓誌銘

後

唐人志墓諸例卷一

王臨墓誌

志墓之文始自東漢蔡中郎集中所見稍多然叙事則失之太略蓋當時文體簡朴類如斯也至子山庾氏始成正格厥後至唐又失之太詳未免冗濫賴昌黎崛起力振衰靡遂得復古平心持論撰志墓文者止可以此三家為正宗不得因駢散歧途而有所偏廢也餘則唐代諸文叙履歷學術行治章法次序體製多同勢不能羅舉為例間有漢魏六朝所未有潘景梁所未載雖稍異前人而似可為例者就所覽及條列於後以俟撰文之士採擇焉至食邑官職等或

唐人志墓例

一

三〇九

名式異殊雖可攷証唐代制度而此不應載或一事見有數碑者亦止舉一碑不復概著矣荆石山民吳鎬述

世系三代

書四十一代祖

太原王公碑

史顏撰

書祖某即學士某之從父兄

蓋書其叔祖之變例

馬公墓誌

書其父尚某公主

尉遲迥碑

成伯璵撰

稱高曾祖曰高門曾門

段行琛碑

前書三代卒後書祖母及母

張琛碑

于志寧撰

先書孔穆大長公主之子次叙三代

王訓墓誌

王

惠撰

叙其祖事實連及其父稱曰令嗣 劉遵禮墓誌銘

劉瞻撰

書他人之父曰先子 朱府君神道碑 李紆撰

取父蔭出身 張昕墓志

誌姬人而叙其家世者 薛氏墓誌銘 陳子昂撰

書其祖考道高不仕後因公列爵追贈 張安生墓

誌

名字稱謂

於其卒後書其父謂母 云 錫其小名 李孝同碑

唐人志墓例

夫人稱君 殷府君夫人碑 顏真卿撰

自稱君 張氏女墓誌 張說撰 按文苑英華稱李

兄君本集作說然宋王僧達祭顏延年文亦自稱

王君或古有此式也

某官某外舅也 有唐善人碑 白居易撰

進士避祖諱選書判 白居易墓誌 李商隱

書遷華州刺史以州名犯先公諱不拜 馮宿碑 王

起撰

稱先伯父先伯母 邊府君墓誌銘 邊魯撰

書其弟曰令弟某 李公墓誌銘 權德輿撰 又霍

夫人墓誌自稱其弟亦曰令弟

從祖姑世父母

嚴公墓誌

穆負撰

門子

長子也

尉遲迥碑

周伯璵撰

亦曰嗣子

周氏墓誌銘

王紳撰

別生

庶出子也

杜牧自撰墓誌銘

新婦曹氏等

子婦也

解進墓誌

孀姊孤甥

李公墓誌

穆負撰

姦妹

裴君墓誌銘

韓愈撰

內弟

薛舒神道碑

章建撰

姘弟

殷府君夫人碑

顏真卿撰

唐人志墓例

子幼未名小字某

梁君墓誌

崔元翰撰

嗣公

書夫人某之孫嗣公某之女蓋指其父也

張府君墓誌銘

張說撰

子妻

書高陽公主為其子妻

房元齡碑

褚遂良撰

半子

書無子長女適某盡半子禮空禰刊石

李君墓誌銘

母弟

書母弟某奉轎車歸葬於某原

李公墓誌銘

梁肅撰

家老

書其孤與家老故吏卜兆葬公

陳公墓誌銘

穆負撰

姑女

書夫人即協律即之姑女也

協律郎妻賀蘭氏墓誌銘

舅女

書公娶其舅女

王公墓誌銘

韓愈撰

夫自稱蒙

代國長公主碑

鄭萬鈞撰

撰人自稱愚

孔紆墓志

鄭仁表撰

稱逸士 參軍張公墓表 獨孤及撰 亦稱逸人見

稱居士 王居士塔銘 上官靈芝製

稱君子 有唐君子鄭公墓誌銘 歐陽詹撰

書其別自號曰某 鄭公神道碑 韓愈撰

妻女子孫

書其妻悲悼 唐以前未有書及此者 郭君碑

書其夫人哭夫因契明 即喪明也 鄭公墓誌銘 孫述撰

書其夫人蒙賜姓 契苾明碑 婁師德撰

書嘉耦某氏 王府君神道碑 權德輿撰

書夫人某氏某氏某氏 蓋三娶者 崔府君墓誌銘

唐人志墓例

書三娶曰凡三合 李公墓誌銘 權德輿撰

書夫人連水嫡女 南陽樊氏墓誌

夫人某奉公之喪達於某所 其妻扶柩歸者 李公墓誌

銘 穆員撰

書前夫人早夭 陳公墓誌銘 同上

夫人某氏承公之訓為士女之表 崔公墓誌銘 權

德輿撰

不書夫人合祔而書從祔 唐璿神道碑 蘇頌撰

亦書陪葬 高士廉碑 許敬宗撰

又曰遷合 張昕墓誌

書夫人某氏祔焉從周也 王公墓誌銘 孫述撰

夫人卒後遷夫合祔遵理命也 崔公墓誌銘 易居撰

書夫人卒曰芳年若干 劉夫人墓誌

書夫人卒壽年曰甲子五十一 崔氏祔葬墓誌銘

權德輿撰

孝女 魏府君墓誌 柳宗元撰

書第二女某官妻扶櫃歸葬 因三丁早天也 薛舒神道碑

韋建撰

書公之才子五人 王光謙神道碑 權德輿撰

書其幼子曰次木免乳 韋公墓誌銘 杜牧撰

唐人文志墓例

命嗣子孝敬繼夫人 陳公墓誌銘 穆負撰

書其戒子之書 鄭康成碑 史承節撰

書子早卒曰道天 姚公墓誌 獨孤及撰

書其女孫適某 東平府君李君碑 張九齡撰

詔贈薨卒

書天慈臨訣 下云 太宗親御城樓俯臨 缺二靈一缺滅

蓋觀其舉殯也 高士廉碑 許敬宗撰

中使賫錦被及衣一籠以送終 王述菴云未見他碑者 李考

同碑

詔賜衣服表能官也 李晦碑

碑陰另記贈贈會葬之盛 房彥謙碑 李百藥撰

詔發轎車迎柩 李公墓誌銘 常袞撰

朝廷贈君以秘書少監悼賢也 權君墓表 李華撰

貶贈伯父伯母 王述菴謂此 貶贈之始 章仇元素碑 章述撰

以其年月日陷於某庭 下云 蓋即其 卒日也 裴

鏡民碑 李百藥撰

終於華州別業 宇文公神道碑 楊炯撰

在道寢疾薨於宋州館舍 張琮碑 于志寧撰

薨於汝州長橋驛亭 岐陽公主墓誌銘 杜牧撰

薨於戎府 田緒神道碑 上降撰

唐人志墓例

以其年月廿五 缺一 朝薨於廡 早朝時薨於 朝堂之廡也 杜君

綽碑

終於治所 崔倓神道碑 顏真卿撰

卒於 一缺 尉之公館 殷府君夫人碑 顏真卿撰

終於所寄之第 馬公墓誌銘 楊倓撰

薨於解舍 崔公墓誌銘 白居易撰

卒於桂陽佛寺 凌君權厝誌 柳宗元撰

薨於軍府 李公墓誌銘 常袞撰

薨於其所其日即考之諱辰 紀國陸妃碑

以疾受代回車次某所薨 戴公墓誌銘 權德輿撰

去職就醫還京終於某所 張府君墓誌 張說撰

以寓卒旅殯嶽陽 杜甫墓誌銘 元微之撰

臨陣喪元 李密墓誌銘 魏徵撰

北面拜跪而自裁 王公墓誌 常衮撰

書以夢兆與親友訣安枕俟期俄然而卒 尹先生

墓誌銘 張元撰

臥至旦呼無聞就視形神離矣 志從父弟宗直殯

柳宗元

病疴泄卒 裴府君墓碣 同上

晚節多病以某年月日啓手足於某所 皇甫君墓

唐人志墓例

誌銘 梁肅撰 王述菴謂不書卒而云啓手足書

合葬曰從周制也皆創見於宋石保吉碑蓋非是

早見於唐文矣

書太夫人薨君時年七十二泣血棘心新穀未升卒

曰孝之終也 王府君墓誌 陳子昂撰

書太夫人某氏壽若干棄養於某所 劉公墓誌 穆

員撰

書太夫人弃代 太夫人歸祔誌 柳宗元撰

書某年月日某相國夫人某氏考終命於京師 柳

氏祔葬墓誌銘 權德輿撰

書太夫人捐館 閻公墓誌 獨孤及撰 吳達墓誌

有夫人捐館獨孤墓誌有李氏姊捐館然書婦人

卒曰捐館當以此誌為始

書潔服飭容而終 崔氏墓誌 柳宗元撰

殯葬碑石

陪葬昭陵 孔穎達碑 于志寧撰

陪葬橋陵孝也 代國長公主碑 鄭萬鈞撰

常所服甲悉令隨瘞 阿史那忠碑

葬舊塋書順也 王公墓誌銘 孫述撰

招魂柩葬 陳氏神道碑 張說撰

唐人志墓例

招魂改葬 義陽王神道碑 同上

以某年月日權窆焉從吉兆也 裴公墓誌銘 王鉅撰

安厝於某所祖業之園地從龜筮也 周氏墓誌銘

張師素撰

書其葬曰卜宅於某所 馬公墓誌銘 歐陽詹撰

厝於某年月日異時 乙速孤碑 苗神客撰

以某年月日厝於某所大人 指元尚父也 舊塋合柩 劉

元尚墓誌 實忻撰

穿其妻墓而合葬之 李君墓誌銘 韓愈撰

葬某里庚向 此書堪輿家之原山向之始也 湯華墓誌 林瑛撰

壙有伏泉改卜某所 盧君墓誌銘 常袞撰

弟葬其兄 邊府君墓誌 邊魯撰

兄葬其妹書室於先父塋側 扶風馬氏墓誌銘

姪葬姑且請銘 蕭氏墓誌銘 梁蕭撰

叙葬費皆出於交游 盧秀才墓誌 杜牧撰

題書塋兆記 高士廉碑 許敬宗撰

拙 先塋記 從子陽冰書 碑有形家言金石文

字中所僅見者

唐貝州永濟縣故馬公郝氏二夫人墓誌銘 此合

葬書題之始 又垂拱二年澤王府主簿梁府君

唐人士志墓例

九

并夫人唐氏墓誌 此誌辭中亦合其夫人論讚 又大中二年

滎陽鄭府君夫人博陵崔氏合祔墓誌 即徐氏

讀禮通考舉以辯黃黎洲合葬未有書某氏之言者

唐故逸人竇居士神道碑 此居士而稱神道碑者 李邕文

唐故越州衙前總管杜府君墓誌銘 并序 亡妻隴西

郡李氏夫人合葬為墳 沙門東又述 此又合

祔書題之變例也

誌蓋題云新平公主女姜夫人墓 天水姜夫人誌

介石 王居士磚塔銘 上官靈芝製

貞筭 蘭陵公主碑 李義甫撰

可取一碑青石其上有自然平者刊刻為字 王徵

君臨終口授銘 王紹宗述

刊贊為記 戴府君墓誌

聊刊片石 幼女姚婆誌

列塋記其誌銘 陸君夫人孫氏墓誌

砂書元塋納諸墓 馬室女雷五葬誌 柳宗元

書撰

孫為祖撰誌 張府君誌 張說撰

孫為祖母撰誌 王妣夫人楊氏祔葬銘 權德輿撰

子為父銘已見宋安成太守傅君銘子為父誌已

唐人志墓例

十

二十七

見北齊朱岱林誌

父銘其女女孥壙銘 韓愈撰 權德輿獨孤氏亡女誌同

子為父書碑 王仁求碑 閻丘均撰

子書父碑并篆額表姪題諱 徐浩碑 張說撰 此

填諱之始

子為母撰文 裴氏元堂誌 穆員撰 按晉任城太

守孫夫人碑雖有嗣子迅哀 下云 為之辭等字然

殘缺無嗣子名不能考其果否子作此則可據以

為例者

子為母書碑 代國長公主碑 此亦其夫鄭萬鈞撰

夫為妻誌銘 張氏夫人墓誌銘 孫珣述

兄為弟撰碑 于大猷碑 名缺

季弟甄錄其兄臨終口授銘 王徵君口授銘 王紹宗

兄為妹撰誌 張氏女墓誌 張說撰

為妹聳誌 有唐君子鄭公墓誌銘 歐陽詹撰

為妻之母撰銘 苗氏墓誌銘 韓愈撰

為妻之兄誌墓 裴君墓誌銘 杜牧撰

為外祖表墓 外王父吳公神道表銘 梁肅撰 題

書神道表銘亦初例

姪為伯父撰碑 李思訓碑 李林甫撰 為伯祖妣 叔妣撰文見墓銘舉例

唐人志墓例

姪為姑書碑并撰 殷府君夫人碑 顏真卿撰

叔為姪撰文 裴安道墓誌 裴肅撰

為姪撰誌 劉氏墓誌銘 張說撰

舅為甥誌 梁錡墓誌銘 楊炯撰

稱猶子某官某書表姪某官某撰 太原王公墓誌

銘 許志雍撰

外甥為舅氏撰銘 陳府君墓誌銘 名缺

身死之日自為銘 王勣自撰墓誌 漢杜子夏臨終作文命刑

石埋於墓側見西京雜記因此書乃後人依託非劉歆撰故不載入漢魏志墓例中

執友某哀之乃為銘 梁君墓誌 崔元翰撰

子某等捧是圓石命從祖兄之子銘之 張氏夫人

墓誌銘 權德輿撰

其父母乞銘於某官某 盧承墓誌銘 韓愈撰

其子託從祖誌其墓石 白府君墓誌銘 白居易撰

子之重表甥也嘉其忠孝而銘之 李府君墓誌銘

權德輿撰

史臣奉詔謹誌 李公墓誌銘 常衮撰

問銘於太史氏某 董府君墓誌 韓愈撰

某承眷執紼及墓就誌而銘曰 馬公墓誌 歐陽詹撰

因受命於其聃而為文 高公神道碑 盧虔撰

唐人志墓例

以玉磬琴琴留別樂天 下云 奉遺托託為文 崔公墓

誌銘 白居易撰

忝從公游錄其實以紀之 李公墓誌銘 梁肅撰

其孤立使者哭告於櫃來京請銘 邢君墓誌 杜牧撰

乞銘於其鄰某 息國夫人墓誌 韓愈撰

書其子某某與聃某以公之族出行治歷官壽年為

書使人自京師南走八千里至閩南兩越之界上

請為公銘 胡良公神道碑 韓愈撰

某季弟某以某詳其履歷俾為墓誌 崔君墓誌銘

權德輿撰

季弟某哀不能文故託於友焉

韓君墓誌

柳宗元撰

某與某為山林之友二十年矣迨遞萬里見託為誌

楊府君墓誌銘

符載撰

子僑居某所嘗與君游故靡靡書事實

盧君墓誌銘

權德輿撰

其夫人既卜得吉具以孤藐之辭請表墓於父友

陸君墓誌銘

權德輿撰

某與尚書

指公主夫

為從父弟得以實銘

岐陽公主

墓誌

杜牧撰

亦叔銘嫂之一例

與夫人之子某為執友

下云

託為撰述

鄭氏墓誌

唐人心志墓例

銘

白居易撰

十一

百九十九

聞其道而翫其文哀而銘之

魏府君墓誌

柳宗元撰

蹟其誅謚而為之銘

董公神道碑

權德輿撰

于志寧字處謚作此文

蓋文達碑

製文

王居士塔塔銘

上官靈芝

鐫人某并書

王府君墓誌銘

此蓋宗漢巴郡太守樊敏碑石工劉盛息

標書又隋姚恭公墓志銘萬文韶刻字之例

某郡某述

陳先生墓表

呂溫

布衣某述

何長史墓誌

程山甫述

題止書姓

修撰馬墓誌

李翱撰

自稱某先生求其墓以石銘

賈季子墓銘

柳宗元撰

敬寫進法師塔銘

陳光撰

某纂

貞和尚塔記

沈興宗撰

先友

李公墓誌銘

楊炯撰

稱他人父兄加先字

李光進碑

令狐楚撰

亾友某

邢君墓誌銘

杜牧撰

傍註

去聲句句

凡四字

孔紆墓誌

鄭仁表撰

釋道

專論象教而書其父祖官秩及其僕射等俱申虔仰

云

道因法師碑文

李儼撰

唐人志墓例

云

書梁武六世孫司空女及其某月日捨壽於別院姊弟

為之營葬濟度寺尼墓誌銘

書其母某氏夢玉女授以九老丈人之符數月而聞

腹中頌經聲

尹師尊碑

員半千撰

釋道誌中

似此書者所見幾及數十篇

尼稱和尚

比丘尼惠源誌銘

楊休烈撰

書女道士某白晝上昇

魏叔瑜碑

張說撰

俗姓某氏

貞和尚塔銘

沈興宗纂

書凡去儒為釋者凡三十二

中院大律師塔銘

柳

宗元撰

書春秋七十六法夏五十六 真化寺尼如願墓誌

沙門飛錫撰

享齡六十三法臘三十七 楚金禪師碑 同上

年齡七十僧夏卅 俊禪和尚墓誌

菩提位中六十一夏父母之生八十五年 徑山大

師碑銘 李華撰

余既與某游某其徒也亟為余言故為銘 雲峰和

尚塔銘 柳宗元撰

書其弟子某嗣居法會欲廣其師之德刊茲銘 般

舟和尚第二碑 同上 題書第二碑亦初例

唐人志墓例

右 三十九

法葬 真化寺尼如願墓誌 沙門飛錫撰

收骸起靈塔於某山 王居士塋塔銘 上官靈芝製文

某月日奉冠寫遷定於某山 元靜先生碑銘 顏真卿撰

捧全身建塔於某山西原像法也 徑山大師碑銘

李華撰

書從事於空遵理命也 比丘尼惠源墓誌銘 楊休撰

浮屠之法焚骨而瘞之於塔此云神空者蓋墓而

不塔也錢竹汀謂學釋氏者猶不忍焚如之慘而

不用其法乃民俗有惑於火葬者無是非之心矣

善哉仁人之言也附識於此并為緇徒戒

雜例

書丁母憂

下云

奪情復其舊任

皇甫誕碑

于志寧撰

鍾隴西太夫人之喪

廣韻鍾當也

鄭曾碑

於其卒後書寢疾時告二子祖德慶嗣將必達後

下

云

長子貴贈官

趙叡冲碑

邵說撰

書其草隸筆意傳次子某及甥某

魏叔瑜神道碑

張說撰

論星命

杜牧自撰墓誌

論葬地

何長史墓銘

書視身世榮枯與夢幻同命第四子為沙門 梁氏

唐人志墓例

七

二十七

墓誌

梁肅撰

書其晚年又師六祖每偶僧徒輒論真諦

下云

易簣

之夕大怖將至恬然自安手筆題詩

崔公墓銘

白居易撰

書壽止五歲三十甲子

殤子章八墓誌

獨孤及撰

書其死曰某月日至某所晝日盜殺之

盧秀才誌

杜牧撰

書崇葬於智禪佛寺之側

下云

子貴贈官某月日始

歸窆於某鄉某原拒捐館凡二十九年不得吉卜

且難是以緩

李公墓誌

梁肅撰

書弈某居第三品 修撰馬墓誌 李翱撰

行年也 生年 處士包夫人墓誌

麻弔 四方高士麻弔於其郊者匪朝夕而間焉 叔公墓誌銘 常袞撰

書弟暴卒君燒一指以禱神得復生 李府君墓銘

李翱撰

詳書目疾及延醫某某治不愈 杜君墓誌銘 杜牧撰

誌婦女而先書其夫家世卒日次書婦之氏族 張

說夫人樊氏誌銘 沙門志咸撰

書公由某官至某職不書略也 李府君墓誌 顧况撰

前書祖考於卒後叙兄弟官秩 王履清碑 侯冕撰

唐人志墓例

書其母人常鑿之曰爾後必生公侯之子因擇薊公

配焉 李光弼碑 顏真卿撰

書本姓某以避御諱改焉 元靜先生墓誌 同上

云不書州里尊宗室也 李公墓誌銘 權德輿撰

書其第三子某又法名某姓好元門身披羽服 何

長史墓誌 程山甫述

附 唐徐氏山口碣石題刻

至德二年在鳳翔制應扈從 缺 中書門下 缺 上

各贈父祖一人官 缺 任中書舍人兼尚書右丞集

賢殿學士正月廿八日制贈尚書吏部侍郎及上

還京廣德元年八月廿一日制復贈公嗣子故銀青光祿大夫洺州刺史上柱國嶠之左散騎常侍洺州府君歷曲趙衢豫吉湖洺六州開元廿四年薨葬於洛陽石橋東北十里浩自吏部侍郎貶明州別駕歸鄉拜掃換山口碣石題此額篆仍錄贈官其敕辭並存於別記云

大歷九年歲次甲寅十月丁卯朔六日壬申刺

曾孫朝散郎前行河中府永樂縣尉瑄模勒

姪孫璟檢校隴西李坦然鐫

右徐氏碣石題刻僅見陶宗儀古刻叢鈔蓋浩歸

唐人志墓例

大

二二二七

鄉展墓刻碣叙其追贈祖父官秩亦自漢至唐所初見者按張式撰徐浩碑亦云及京師失守下云公詣行在拜中書舍人此事新舊唐書皆未載舊書則云安祿山反出為襄陽太守本州防禦以祿山反在浩為防禦之前據浩碑攷之舊書誤矣中州金石記謂浩遇祿山之難遂從明皇在蜀授尚書右丞以舊書肅宗悅其能加兼尚書句謂舊書誤以元宗為肅宗今以此碣證之則舊書實未誤所詣者正肅宗行在蓋浩碑翠輦西巡成都築受養之宮下已殘缺故金石記誤謂元宗也舊書及

墨池編稱其父嶠之

舊書脫之字

官至洛州太守金石

遺文記作洛州此亦舊書及墨池編之誤此碣係
浩子瑄模勒上石浩碑書其子伯仲之存者四人
璩璠璠現或瑄已亾於浩卒之前寶刻類編現作
峴亦誤浩碑係次子某書已殘缺其名今亦不得
定爲現書碣載姪孫璟檢校姪孫二字疑古刻叢
鈔有傳寫脫誤贈其祖官蓋在肅宗遷浩堂晷
丞時贈其父官蓋在新書所載爲李輔國譖貶廬
州之後代宗復徵拜中書舍人遷工部侍郎時也
至明州之貶因妾弟冒選爲御史李栖筠彈劾新
舊書比自載之矣因向來攷據金石文字者從未檢
及此碣與浩碑互證故錄其全文并加詳論附之
於尾

唐人文志舉例

九

卷之六

唐人志墓諸例

終

志墓例附論

為金石文字著例者凡三家自潘景梁作金石例王
止仲作墓銘舉例以繼之黃黎洲又作金石要例為
之辯正均首以昌黎文為據而漢魏六朝概未之及
余故著此補其闕仿止仲者從竹垞太史曝書亭集
跋墓銘舉例之言也跋云 竊意墓銘莫甚於東漢
鄱陽洪氏所輯隸粹隸續其文
其銘體例匪一宜用止仲之法舉
而隸列之惜乎予老矣不能為也

志墓之文欲傳信後世隨事因人本無定法顧宋迄
元明習俗相沿文體大壞故三君不得不作例以匡
救之鄱陽傳錄事叙潘例曰使孝子慈孫觀其制度

志墓例附論

之等則思得為而為不得為而不為誠哉是言蓋兼
文字言之非僅指瑩墓羊虎品級也

金石所重在可書不可書耳或略或詳又其次也止
仲則舉韓文姓諱等十有三事例之夫志墓之製肇
始東漢所云十三事者未見備於一篇之中蓋彼時
文體簡朴故魏晉誌銘并姓諱皆不載者甚眾後魏
時始有詳叙者至北周庾開府出此十三事備矣隋
至唐初撰文之士悉宗法之又較詳密要之昌黎起
衰振靡出言為經本非六朝文士可及然於古人文
字義例章法之善者未必不從而效之非皆由自創

今即以昌黎之文與中郎開府二家參考之知其效
法古人者居多則又豈可置漢魏六朝之文而不論
乎同時李柳諸公因義製文各有所創已不專以昌
黎一家之言為限且此十三事之外或有事異而於
理應書者或本不應書而於本人有關係者或今古
勢殊古所無而今所必應書者又豈止仲之書所能
括耶凡此止當据古人所已有揆諸義而協因時裁
度而書之斯可矣余故取漢魏六朝文中可為例者
悉標舉之不以止仲所編為藍本而迂守此十三事
也

志墓例附論

三家之悉以韓文為例者以文起八代之衰之言也
文章駢格肇自東漢其時志墓之文率多儷偶乃古
人正格至隋唐尤甚揆之散著實殊途同歸若槩目
為卑濫在散體中又豈少市聲俗軌之譏要之各有
短長未可偏廢則尊韓蘇而薄徐庾非通人持平之
論矣張天如跋百三家集云人但厭陳季之浮薄而毀顏謝惡周隋之駢衍而罪庾徐此數家者斯文具在豈肯為後人受過哉

潘氏韓文括例云書上祖例某世祖某世祖及婦德

例云皆非也書某世祖者始於梁貞白先生陶君

碑之七世祖耳凡十世上下皆可書唐太原王公碑書四十一代祖

則勅見矣余故載之
唐人誌墓諸例中

得拘於韓文所有者始可書

耶至婦德

云

因人因事更難墨守凡此類皆應舉

一隅以三隅反者無煩覩縷爲例也

誅雖有納於壙中者然十無一二故不復及至中常
侍碑亦不舉以爲例

所撰唐人志墓諸例因六朝未有三家未載故也然
即如所舉書撰一條無外舅及壻書撰之例緣有唐
一代文字所見未全或有遺漏然有爲妻母志墓者
有志妹登墓者以此類推亦可隅反至釋道雜例兩
條中多怪異不經未可舉爲例者又無足論矣

志墓例附論

▲

三

二九九

六代以前專集徃徃係後人掇拾全者寥寥即如吾
鄉張天如巨三家本大都鈔自類書古文多殘缺此編
僅以例舉例有足據則書之文之全否在所不計蓋
書旨固論例不論文也

荆石山民識

志墓例附論終

